



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Petri Castellani Magni Franciæ Eleemosynarii Vita**

**Galland, Pierre**

**Parisiis, 1674**

Petri Castellani Magni Franciæ Eleemosynarii Vita, A Petro Galladio  
Literarvm Latinarvm regio Professore conscripta.

**urn:nbn:de:hbz:466:1-14617**



9

P E T R I  
C A S T E L L A N I  
M A G N I  
F R A N C I A E E L E E M O S Y N A R I I  
V I T A,  
A P E T R O G A L L A N D I O  
L I T E R A R V M L A T I N A R V M  
regio Professore conscripta.

I.  X antiqua & nobili Hau-  
verderiorum familia in  
Belgis, qui vicini Nerviis  
Francorum lingua utun-  
tur, & Burgundionum  
Ducibus jam olim parent, Quintinus Ca-  
stellanus Petri Castellani pater ortus est;  
apud quos cum vernaculo in praediis be-  
neficiariis & fundis clientelaribus inter-

10 VITA PETRI CASTELLANI.

nobiles usurpato jure ad primogenitos omnia redeant , ne distractis ad multos possessionibus paulatim nomen , dignitas , & opes familiæ extinguantur , Quintinus , qui natu minimus erat , externa aliunde auxilia circumspicere & rationem qua paria cum suis majoribus facere posset inire coactus est. Itaque nobilium more & instituto arma secutus , ad Carolum Burgundionum Ducem belli gloria & opibus illis temporibus florentem se applicavit , & quoad vixit ejus auspiciis , in turmis Philippi Molani è Ducibus ejus nominis primi , eques auratus magna scientiæ militaris & fortitudinis laude stipendia fecit. Is tandem Archij , quod Burgundiæ oppidum est , uxore ducta , & constituta familia , mediocribusque possessionibus comparatis , duos filios genuit Emericum & Petrum Castellanos.

I I. Petro statim post annum unum mater , post sextum verò pater fato concedentes admodum incommodè sunt erepti. Nam per tutores non ea fide & diligentia qua parentes ipsi potuissent patrimonium pupillorum administratum est , nec eadem cura & vigilancia sunt educati. Itaque ultra annum decimum in domo paterna circa custodis aut præceptoris operam retentus , quadam tandem suorum æqualium ,

VITA PETRI CASTELLANI. II

quos Divione scholam illis temporibus celebrem frequentare audiebat , æmulatione & discendi studio incensus , ut literis & bonis artibus institueretur,eò traductus, & Turrello scholæ principi , multis artibus insigni , sed mathematicorum scientia præcipuè nobili , in disciplinam traditus est; apud quem brevi tempore ita in studiis literarum promovit ut suis præceptoribus magnæ admirationi esset , ceteris verò condiscipulis omnibus insigni, quo ad literarum studia excitarentur , exemplo. Quo tempore propter ingenij non subtilitatem modò & acumen egregium , verùm etiam propter amœnitatem morésque suavissimos , ab omnibus æqualibus ita diligebatur ut ejus nomine certatim literas amarent, ejus æmulatione longius progredi inter se contenderent. Itaque in illum aut memoriter pronuntiantem aut aliquid à se scriptum recitantem aut disputantem omnes intueri , de collo ambulantis pendere, eum affectari , & semper in oculis habere.

III. Post triennium , cùm audiendis præceptoribus ea Latinè intelligendi & loquendi fundamenta posuisset ut facile barbarismi & solœcismi vitium effugeret, privato studio delectatus, suo, quod aiunt, marte bonos auctores evolvere & secum commentando stylum variè exercere cœ-

## 12 VITA PETRI CASTELLANI.

pit. Itaque cùm in Auli Gellij noctes Atticas incidisset Græcis vocibus sententiis que passim sparsas, alphabetum Græcum à Germano quodam adolescente primùm nactus, ita divinam ingenij sui aciem in Græcarum literarum elementis cognoscendis defixit ut duarum horarum spatio Græcè legere didicerit, & hinc à medico medicinam ibi factitante Lexicon Græcum consecutus, paucis diebus cognita vocabulorum quamplurimorum significatione, Græca propemodum omnia Gellij noctibus inserta intellexerit. Atque ex eo tempore, citra aliam præceptorum, qui in schola docebant, operam, privato suo studio ita brevi in literis Græcis profecit ut per se Græcos auctores interpretaretur & par esset in Græcæ & Latinæ orationis facultate.

IV. Incredibili erat & intelligendi quæcunque legeret & memoria complectendi facultate præditus. quæ duo summa ingenij bona inusitata diligentia facile memoria reddebat, ut cuicunque hæc familianter nota essent, futurum eum olim clarissimum pronuntiaret. Quæ rara & incredibilis ejus ingenij vis Turrellum doctum Mathematicum adduxit ut expenso diligenter nativitatis ejus momento, ex ea ratione qua futura prædicere Astrologi so-

lent , & magnum eum aliquando evasum neque tamen ad senectutem pervenitum prædiceret.

V. Post annum sextum quām in literis versatus est , docere & profiteri publicē Divione auspiciis ipsius Turrelli cœpit cum magno non adolescentum modō verū etiam gravium hominum omnium ordinum applausu. Cūmque illis temporibus Turrellus præceptor impietatis accusatur , quōd contra jura canonica & civilia , contrāque sacras literas , ex astris fata hominibus eventura prædicere diceretur , ipse singulari pietate præditus , calore juvenili effervescens , veluti egregius Ciconiæ parenti nutritia persolvens pullus , defensionem sui præceptoris professus ad judicium subsellia laureatus accessit. Ibi eloquentia planè adolescentis captum superante de astrologia & ejus prædictionibus differuit. Astrologiam quidem duplicem esse ; unam quæ ortus , occasus , accessus & recessus , variisque astrorum motus considerat ; ex quibus lucis & tenebrarum vias , horas , dies , noctes , menses , annos , eorūque partes , discrimina , & hinc rerum omnium administrandarum tempora colligimus , ex quibus etiam terræ totius magnitudinem , situm , intervalla , quibusque cœli partibus , quæque ejus spa-

## 14 VITA PETRI CASTELLANI

tia respondeant , quantum inter se regio-  
nes distent , quóve aëris temperamento  
sint , ut differant , peragrari , coli , & de-  
fendi possint , cognoscimus ; altera ad præ-  
dictionem rerum futurarum ex astris per-  
tinet . De priore , quin esset salutaris & ne-  
cessaria excolendæ hominum vitæ , nem-  
inem ambigere . Alteram verò , si intra  
naturæ cancellos se contineat , & divinæ  
providentiæ potestatique fasces submit-  
tens nihil necessariò eventurum pronun-  
tiet , nequaquam etiam repudiandam esse .  
Quibus positis , duo prædictionum gene-  
ra constituenda . primum , quod in mun-  
do & natura causas habet . alterum , quod  
sine causis naturalibus divina & futura  
prædictit . Et prius quidem genus prædi-  
ctionum naturalibus principiis & causis  
firmatum , primùm in genere suorum ef-  
fectuum veritatem ostendere , ut cùm mag-  
nos æstus effici , ortu , occasu , & conjun-  
ctione siccorum planetarum in signis ca-  
lidis , & spirantibus Aquilonibus serenita-  
tem , aut contrà humidis orientibus aut  
occidentibus , in signis calidis congredien-  
tibus , magnam diluvionem aquarum , &  
flantibus Austris imbræ de cœlo ruituros  
pronuntiat , atque etiam pestem morbóf-  
que varios ex aëre , infausto hoc astrorum  
positu , congressu , aut influxu corrupto ,

vel Thaletis Milesij exemplo , ex aliqua alia astrorum affectione , olei , vini , frugum penuriam aut abundantiam futuram prædictit. Quo prædicendi modo in genere constituto , non etiam repugnare menti divinæ & sacris literis , obſervato diligenter nativitatis cujusque horoscopo , quæ sit ad quamque rem cuique propensio , quæ cuique à natura impendeant , quos astra perniciosè aut salutariter aspiciant. Quæ ſi ita modetè dicantur ut ſupra vim astrorum Deus collocetur , qui quando vult invertit omnem naturæ & mundi totius vim , & ſervat in mediis fluctibus & flammis electos ſuos , atque etiam ut arbitrij libertati in hominibus ſua prærogativa conſervetur , nihil in ſe maleficij admittere qui ex his signis in cœlo & aſtris à Deo conditis ea ad quæ homines propendent modetè pronuntiant. Neque enim in eo violari divinam providentiam , ſed magis conſtitui , cùm ea non fruſtra eſſe in cœlo poſita , ſed hos in corpora effectus habere à Deo attributos dicimus , ita ta- men ut non ſolūm extra hæc , verūm etiam contra hæc Deus quando vult rerum ſcenam & ſeriem immutet , iis in bello fre- quenter victoriam tribuat quibus in ho- roſcopo Mars infeliciter poſitus erat , qui- que maximè omnibus humanis auxiliis de-

## 16 VITA PETRI CASTELLANI.

stituti videbantur ; & sapientes , ut Socra-  
tem illum , vi voluntatis liberæ cura , edu-  
catione , legibus , consuetudine , non so-  
lùm has inclinationes & propensiones  
debilitare , sed etiam frangere & in con-  
trarium convertere consuevisse . Verùm  
cùm hominum major pars , ut pecudes ,  
naturæ propensiones sequantur , ex qui-  
bus pauci inveniantur qui adversùs appe-  
titiones & impetus naturæ rationem op-  
ponant , eáque velut frenis coérceant &  
regant , non omnino ineptè , diligenter  
inspectis in conceptu & natali cujusque  
astris , prædici & significari quo naturæ  
temperamento futurus sit , quidve astra il-  
li aut benignè promittant aut acerbè mi-  
nentur . Et quamquam in astris multa ho-  
mines lateant , atque de quibusdam prin-  
cipiis astrologiæ non satis inter omnes  
conveniat , esse tamen in his aliquid certi ,  
in quibus cordati , periti , & docti minùs  
quàm indocti & ardeliones allucinentur ,  
atque etiam in quibus causæ propter obs-  
curitatem non satis cognitæ sunt , propter  
effectus tamen longa experientia cogni-  
tos , aliquid ex his prædici posse , quæ se-  
cum conferentes & sibi accommodantes ,  
quibus prædictur , sàpe vera esse depre-  
hendunt ; & hinc ad Deum & liberam  
suam voluntatem configuentes suos affe-  
ctus

ctus temperant, & velut in gyrum rationis flectunt. qua ratione exitiosa hæc fata declinant. Hæc omnia in sacris literis oraculo etiam divino cùm dicantur esse condita ut hominibus signa sint, aliquid significant esse necesse; quæ si prudenter & modestè, quantum imbecillitas humana fert, à Mathematicis explicitentur, ad Dei cognitionem venerationemque, & ad vitam humanam sapientius instituendam conformandamque, & declinanda maxima mala quæ naturis vitiosis impendeant, valere neminem inficiari posse. Hactenus de prima prædictionis specie. Restare autem secundam, nullas causas in cœlo & natura habentem; quæ in alia duo genera iterum dividenda esset; quorum unum legibus civilibus ecclesiasticisque & sacris insuper libris prohibitum, meritò detestandum & execrandum esset, quod in cantationibus, sortibus, dæmonum invocationibus, consultationibusque & auguriis exerceri solitum, varias species haberet; quibus qui utantur, quod cum caco-dæmonibus nullam nobis pœnissimam intercedere Deus velit, omnibus pœnis atque suppliciis excruiciandos esse, & ex aliorum confortio ejiciendos. Alterum autem genus duabus constare partibus, furoris instinctu, & insomniis. utrumque sacris li-

teris probatum. Sanctis enim hominibus & spiritu Dei plenis, ab omni contagione rerum humanarum velut abstractis & secretis, Deum frequenter seipsum & sua patefacere etiam vigilantibus. *Quem furorem poëtæ, sacræ literæ spiritum Domini, έργον στασιασμόν* Græci appellant. Idem altera specie in somnis accidere dormientibus. cuius utriusque exempla in sacris literis passim obvia essent; de quibus eo loco sibi agendum esse non putaret. Priori illo genere in mundo causas certas habente, ratione & scientia firmato, ex quo non oblationem modò sed incredibiles utilitates homines percipiunt, citra ullam impietatem, superstitionem, aut maleficium præceptorem suum vitam hominis excolere, & Deucalionis Prometheique exemplo tanquam fictiles animare statuas, & ex lapidibus homines, imò in hac vita caduca rerum cœlestium participes reddere, & cum immortalibus spiritibus cœlo inferere, dignum non multa aliqua, ignominia, aut supplicio, sed gloria illustri, & præmio quo benemeriti de Republica cives, ut Athenis olim in Prytaneo, affici consuevere.

V I. *Quem ita differentem incomparabili quadam eloquentia & animi magna incitatione cùm audivissent judices, qui ad fœvitiam inflammati, ut ferè fit in rebus*

quæ ad religionem spectant, ad damnandum reum ad tribunal venerant, ita stu-  
pentes & attoniti redditi sunt ut vix ver-  
bum ullum proloqui possent. Itaque quod  
olim à Cicerone Caio Cæsari accidisse in  
judicio Ligarij commemoratur, qui Ca-  
stellanum ante causæ dictionem solùm au-  
diendum consuetudinis causa, & ne aver-  
sando inhumani spem piæ & generosæ ju-  
ventutis extinguere viderentur, ita, eo  
perorante, & vultu & animo immutati  
sunt ut non modò de absolutione Turrelli,  
sed etiam de adolescente generoso & di-  
serto laude & præmio ornando cogitarent.  
Inter quos cùm federet Boudetus Lingo-  
nensis antistes, homo doctus, advocatis  
aliquot Theologis adolescentem non vul-  
gariter laudavit, & honorario munere do-  
natum dimisit.

VII. Hoc rerum successu elatior fa-  
ctus, atque etiam in spem erectior ali-  
quando futurum ut eloquentiæ & mul-  
tarum artium doctrina clarus fortunis ho-  
noribúsque ornaretur, aliquò sibi conce-  
dendum putavit, ubi & majorem ingenij  
cultum capere & aliquo rerum usu peri-  
tior aliquando ad suos reverti posset. Erat  
eo tempore magna Erasmi fama & renas-  
centium per eum in Germania literarum.  
Cùmque ejus visendæ atque etiam Italiam

B ij

## 20 VITA PETRI CASTELLANI.

magno desiderio teneretur , postquam di-  
versis in locis in Germania cum doctis  
congressus esset , ad Erasmus Basileæ a-  
pud Frobenium agentem se convertit . Qui  
cùm uno atque altero congressu Castella-  
num longè alium quām primo aspectu spe-  
raverat expertus esset , eum Frobenio com-  
mendavit , atque ut honesto loco & sti-  
pendio sibi in emendandis Græcis Latinis-  
que exemplaribus adjutor esset effecit .  
Hic juvenis Erasmicæ gloriæ æmulatione  
& ejus falsis in ingenia Gallica , quibus pa-  
rum in literis tribuebat , cavillationibus in-  
census , noctes & dies in Græcarum litera-  
rum Theologiæque atque omnis huma-  
nioris doctrinæ commentary ita versa-  
batur ut Erasmus satis præcipitanter com-  
mentantem & è Græco non probè intel-  
lecta in Latinum sermonem malè verten-  
tem frequenter suorum erratorum admo-  
neret . Quæ ille , qui plurimum Castellani  
opera uteretur , cùm agnoscere atque  
emendare ejus admonitu cogeretur , plu-  
rimum illi tribuebat atque deferebat . Me-  
mini Castellanum mihi frequenter dicere  
Erasmum in literis Græcis supra vulgus  
tum parum promovisse , in auctoribus qui  
ab usu communi remoti essent insigniter  
hæsitavisse . Itaque quæ ex illis vertebat  
aut commentabatur , majore ex parte ad-

juvantibus doctis, qui ei hanc operam navabant, præstitisse. Secuta Basileæ & aliis in Germaniæ locis tragica è templis imaginum exturbatione, & variis de religione tumultibus exortis, cùm Erasmus, Basilea relicta, Friburgum proficiscentem animadverteret, ipse quoque (postquam publicè concionatorem seditionis confutasset) in quietiora pacatioraque loca demigrare statuit.

VIII. Itaque eo animo in patriam reversus ut Italiam peteret, rogatus à quibusdam principibus in Senatu Divionensi viris ut animum ad studia legum & juris civilis adjungeret, eam unam viam ad florentes opes honorésque magnis ingeniis stratam, sibi nobiles & bene educatos liberos esse, quos si Biturigas ad Alciatum nobilem juris professorem sequi non recusaret, nullum benignitatis genus in se clausum iri experturum, Alciati nomine imprimis excitatus, conditionem non est aspernatus. Quò tantisper dum se comparat, né otiosus desideret, Divione publicè divi Pauli ad Romanos epistolam Græcè interpretatus est.

IX. Versabatur in ædibus honorati & primarij cujusdam civis, cui puella erat forma admodum venusta & eleganti; à qua frequenter multis illecebris ad amores

## 22 VITA PETRI CASTELLANI.

& voluptatem invitabatur. Itaque etsi ea erat virtutis & continentiae indole ut voluptates omnes respueret, omnemque vitaे cursum in labore corporis atque animi contentione conficeret, nihilque in vita magis quam dedecus & infamiam reformidaret, tantis tamen puellae blandimentis, quibus non modo adolescentia lubrica, verum etiam ætas corroborata caperetur, captus, eam gravidam reddidit. Quod ubi cognovit, nihil antiquius ducens quam ut cui juvenili cupiditate incensus stuprum obtulerat, citra ignominiam, quantum fieri posset, consuleret, senili quadam prudentia ad matrem accessit; culpam confessus, & veniam precatus, per omnia sacra rogare coepit honesta aliqua occasione in eum locum filiam abduceret ubi citra infamiae notam clam parere & citra turpidinis suspicionem in ædes paternas reverti posset. Quod ita matris prudentia administratum est ut non modo alias sed & patrem ipsum flagitium latuerit, & anno postquam puella enixa est, in matrimonium honestissime collocata sit; & qui ex ea puer suscepimus est, ad Castellani fratrem Emericum recens natus deportatus, & ab eodem pro suo ita educatus est ut praeter eos quibus Castellanus ipse id patefacere voluerit, nemo unquam ex eo na-

tum suspicatus sit. Quæ tanta in consulendo honori puellæ prudentia & tegendo flagitio industria me adduxit ut ne hanc quidem adolescentiæ labem silentio prætereundam esse existimarem.

X. Biturigas profectus , celeberrimo juris civilis doctori Alciato , qui se non modò auditoribus ad docendum dabat , sed etiam consulentibus respondendo studiosos audiendi docebat, in juris civilis studio bonam operam dedit. In quo exiguo tempore tantum profecit, quod & publicè disputando & privatim cum eo conferendo & communicando omnibus notum fuit, ut ejus ingenium diligentiamque valde admiraretur , nec indignum judicaret cuius in suis scriptis honoris causa mentionem faceret. Nam quamquam ad studia legum & juris civilis non admodum genius ejus inclinaret , propter tamen doctoris præstantiam , qui elegantiam doctrinæ cum juris scientia conjunxerat , libenter ejus studio multum operæ dandum existimabat. Quin etiam cùm jam animo sibi magna destinaret , & eum locum aliquando se obtenturum confideret qui à nemine pro dignitate defendi posset nisi qui artium omnium scientia exultus ornatusque esset , hujus quoque partis disciplinæ imperitus videri nolebat. Memini eum frequen-

B iiiij

## 24 VITA PETRI CASTELLANI.

ter mihi dicere se neutquam eo animo juri  
civili operam dedisse ut vel illud aliquando  
profiteretur, vel ejus auxiliis subnixus aut  
causas in foro ageret, aut his dijudicandis  
disceptator sederet, aut ad quævis alia  
reipublicæ gubernacula ex juris scientia  
tractanda admoveretur. Ab eo primùm  
fuisse absterritum latifundiis commenta-  
riorum multa insanè miscentium & con-  
fundentium. Deinde quòd ipsum jus civi-  
le, ut scriptum est, eorum opera qui, quæ  
latè apud antiquos Jureconsultos diffusa  
erant, veluti in hoc compendium redi-  
gere voluerunt, valde truncatum & muti-  
latum perplexumque & involutum esset,  
neque satis certæ rationis artificio disposi-  
tum. Postremò quòd à rabulis & pragma-  
ticis partim ita detortum & contamina-  
tum, partim etiam ita moribus & consue-  
tudinibus antiquatum, ut ad judicandum  
ex æquo & bono exiguum usum haberet,  
ad conturbanum verò & offundendam  
tanquam hominibus caliginem & reddens  
litigiosos potius quàm bonos & justos  
non parum efficax & utile videretur. Esse  
quidem plurima in eo hominis docti le-  
ctione & cognitione non indigna, sed ut  
ea ratione qua Platonis de Republica libri  
in manus sumantur. E republica verò vel  
maximè futurum ut Principum auctoritate

novum jus vernaculum , tum ex eo , tum ex moribus atque edictis regiis , adhibitis æquis, doctis, & peritis hominibus, consti-  
tueretur , & hæc intricata , sinuosa , an-  
cépsque judicandi forma, populo universo  
jam olim exitiosa , corrigeretur.

X I. Utebatur familiariter Comite Ton-  
noriensi Episcopo Pictaviensi designato ,  
qui tum in eodem legum studio Alciato  
quoque operam dabat ; quem etiam poli-  
tioris doctrinæ literas Græcas & Latinas  
subcesivis horis docebat. Nam ad has ve-  
luti ad certam stationem semper reverte-  
batur , & pertinaci obstinatōque studio  
totas ferè noctes transmittebat. Qui cum  
eo domesticè vixerunt ejus contubernales  
frequenter mihi commemorarunt ita eum  
libris affixum etiam per noctem fuisse ut  
singulis noctibus vix quieti horas tres im-  
penderet, easque non in lectulo molli plu-  
ma aut linteis cubans , sed humi penula  
sua capite involuto projectus, nullo cer-  
vicali supposito , transfigeret. Ex somno  
expergefactum ad libros tanquam helluo-  
nem inexplebilem converti solitum , ne-  
que cujusquam admonitu ab instituto un-  
quam revocari potuisse.

XII. Percurso legum veluti stadio,cum  
eo Episcopo Lutetiam reversus , incredi-  
bili visendæ Italæ desiderio flagrabat.

26 VITA PETRI CASTELLANI.

Cùm enim ab ea ad ceteras præcipue Occidentis gentes imperium, religionem, leges, literas, & humanitatem profecta intelligeret, atque etiamnum in eadem admirabilia antiquitatis venerandæ monumenta adservari & conspicere audiret, quibus & clarorum virorum, qui ibi floruerunt, & rerum egregiarum, quæ ibidem gestæ sunt, recordatione animi generosi & doceri & commoveri solent, non existimabat ejus esse qui in literis principatum affectaret, & ad magnum aliquem rerum gradum per literas aspiraret, de Roma atque Italia terrarum olim regina potius famæ quam oculis suis credere. Quam cùm obire & perlustrare, non ut privatus & ignobilis, sed auctoritate & nomine magni alicujus viri fultus, aut in ejus familiam transcriptus, cuperet, commodè Episcopus Altissiodorensis, homo literarum & doctorum hominum amans, legationem regiam obiens, sese obtulit, & honesta conditione proposita Castellanum, quo in literis uteretur, sibi adjunxit. Erat enim hoc solenne Francisco Regi ut ad exteris gentes nullum Legatum dimitteret qui non & literarum studia amplecteretur & doctrinæ plurimum esset consecutus; quòd his ignoratis, nihil rectè geri posse arbitratur. Cum hoc Episcopo mensibus ali-

quot Romæ, donec Romam & Romanensium mores probè perspexisset, substitit. Quibus brevi exploratis & cognitis, cùm omnia ferè præter antiquitatis vestigia quædam improbabet, missionem & veniam à regio Legato, ut Venetas proficeretur, impetravit.

XIII. Memini eum aliquando, cùm Pontificum Romanorum supinas libidines, avaritiam, & rapacitatem, religionis contemptum, superbiāmque Cardinalium, luxum, & ignaviam, nundinationesque, cauponationes, & flagitia reliqua aulicorum Romanensium describeret, & cetera quæ tunc vidisset commemoraret, ita animo concitari & indignatione commoveri consueisse ut ei non modò in facie color, sed & toto corpore gestus motūisque immutarentur; ut etiam mihi frequenter diceret sibi esse persuassimum ne Pontifices quidem Romanos religionis & sacrorum antistites, tot suis suorūmque flagitiis sceleribūisque contaminatos, verè & ex animo Christum colere; quæ autem in religione facerent, retinendæ dominationis causa, veluti larva ad fallendum apposita, egrediè simulare.

XIV. Venetiis rebus quæ ibi admirandæ visuntur contemplandis dies aliquot substitit, tantam urbem miratus in

## 28 VITA PETRI CASTELLANI.

mediis aquis conditam, quod sine numine aliquo propitio fieri non potuisse affirmabat, laudare solitus in ea augustum ante omnia Senatum, & templa divis sacra religiosè culta, quòdque optimis legibus & magistratibus ita effloresceret ut meritò oculus totius Occidentis dici posset. Satis extollere non poterat quòd ea tot legationibus exterarum gentium commerciisque ita frequentaretur ut mundi cuiusdam instar universa repræsentare posset quæ alibi diversis in locis singula magna admiratio ne spectantur. Ædificia navalia, armamentaria, & propugnacula, vitæque communis instituta, mores, & disciplinam ad cœlum laudibus efferebat.

XV. Dum hæc diligenter omnia exquirit, ab Episcopo & civibus Leucosia in Cypro illius insulæ urbis primariæ hominem Græcæ linguæ non imperitum, Latinæ non vulgariter doctum, qui Ciceronem Latinosque Rhetoras Poëtasque & Historicos interpretaretur, experti proposito ducentorum ducatorum stipendio audit. Quam occasionem pulcherrimam ejus insulæ videndæ regionumque vicinarum, quibus veterum libri referti sunt, perlustrandarum sibi oblatam gaudens, Lascaris hominis Græcè doctissimi impulsu conditionem cupidè accipit, atque ac-

ceptis ab eodem literis in Cyprum navi-  
gat ; ubi biennium commoratus , benig-  
nèque ab hominibus ejus insulæ accep-  
tus , certatimque à nobilibus domum in-  
vitatus , magno cum applausu toto bien-  
nio auditus est. Quo exacto , ut Ulyssem  
quendam Homericum urbibus & moribus  
variarum gentium cognoscendis referret ,  
in Ægyptum magno Cypiorum dolore  
& sui desiderio navigare constituit.

X V I. Itaque navim quandam Genuen-  
sis mercatoris divitis & liberalis nactus , à  
Cipro Alexandria , emporium olim lon-  
gè celeberrimum , vento secundo delatus  
est. Hinc Memphim , quæ Alcaïrum ho-  
die dicitur , urbem longè amplissimam ,  
ut quæ multis vicis & castellis inter se  
certo intervallo distantibus conflata sit ,  
cum his mercatoribus qui gregatim atque  
etiam armatis stipati , propter incursionses  
latronum , iter faciunt proficisciens , cùm  
ab iis aquæ quærendæ causa , in magno  
solis æstu sitiens , cum tribus comitibus  
deflexisset , circumventus cum his , pe-  
cunia & vestibus spoliatus , & omnino  
nudus , vita precario obtenta , emissus  
est. Qua calamitate affectus cùm rursus  
mercatorum catervam , quam carava-  
nam vocant , assecutus esset , suámque  
adversam fortunam iis patefecisset , ab

## 30 VITA PETRI CASTELLANI.

uno ex iis sectæ Mahumeticæ magnas ei opes pollicente sagittam cuspide cœlo obversa erecto digito ut acciperet invitatus est. His enim ceremoniis solent Mahumeti cultores homines suæ religionis initiare; quo veluti sacramento qui auctorati sunt, Mahumetismum necesse est ita profiteantur ut ab eo postea, nisi certam mortem obire velint, resilire non possint. Quod cùm intelligeret, magna constantia, invitatore ægerrimè ferente, eam inaugurationem aversatus est. Quod Græca mulier camelis aliquot merces vehens Christum professa cùm animadvertisset, Castellatum vehementer collaudavit, & pro sua tenuitate vestitu & viatico eum instruxit, utque Memphi ad quendam Francum opibus & gratia florentem, prætorij istic Turcici primum apparitorem, in suæ gentis homines propensum & liberalem se conferret, monuit.

XVII. Erat is in Boiis in Gallia natus, multis antè annis, dum piratas, ut patrem ab iis apud Stœchades insulas interceptum in libertatem vindicaret, cupidiūs quàm prudentiūs cum multis aliis persequitur, eorum qui in reductis maris anfractibus latebant insidiis exceptus, in Ægyptum abductus, & propter formæ pulchritudinem & virtutis non vulgarem significationem

VITA PETRI CASTELLANI. 31

provinciæ Præsidi dono datus , & demum ab eodem prætorij accensus primus creatus fuerat. Qui ut primùm Castellatum Francum esse didicit , & ex ejus sermone & vultu ingenij felicitatem perspexit , domum suam invitatum , splendidèque & lautè exceptum , pecunia , vestitu , atque equo generoso donavit. Hic decennio pōst, cùm clam sua convasasset, & Ægypto relictæ in patriam remigrare , bonis omnibus navi impositis , Ægyptiorum exceptus insidiis , rerum omnium inops , omnibus amissis in Galliam evasit ; & per Castellatum Regi commendatus , statim inter Cubicularios adscriptus , duobus aureorum millibus insuper donatus est , & aliis beneficiis auctus.

XVIII. Ejus gratia & commendatione Castellanus, cùm Memphi esset , Alexander quodam parentibus Christianis nato, ex his Turcæ Imperatoris satellitibus qui Janizeri appellantur , duce , equo insidens, quod in Christianis ejus generis homines ferre non solent , quæcunque ibi spectatu aut cognitu digna erant , omnia diligenter conspexit & cognovit. Ante omnia de felicitate ejus provinciæ , de natura Nili, incrementis , & decrementis , ( Nam ibi, flantibus Ethesiis , circa caniculæ ortum, duos ferè menses egit ) déque ejus opibus,

quæ ex mercibus ex India, Arabia, Æthiopia per mare rubrum , & aliunde etiam per Nilum importantur , de religione gentis, moribus, & administratione rerum sic differebat ut & indigenam Ægypti & in aula Turcici illic Legati educatum diceres. Rerum statum , qui ibi tum sub præfectis Turcicis erat , cum eo qui olim sub Sultani à Mammalucis in Reges eligi solitis splendidissimus & compositissimus visebatur , comparabat. Turicum præsentem avaritia , tyrannide , & omni libidinum spurcitia infamem execrabatur. Sultanicum verò elegantem humanitatisque plenum laudibus efferebat. Ex Platonis enim & Aristotelis sententia non potuisse eos malè aliis imperare qui aliquando modestè aliorum imperio paruissent ; nec fieri posse ut qui aliquo tempore sē imperaturos sperarent , aliter quām alacriter & fideliter parerent , dictitabat.

X I X. In Ægypto cùm didicisset esse Constantinoli apud Turcarum Imperatorem Forestanum regium Legatum, cuius occasione Franci nòn solum ibi tuti, verùm etiam grati essent , ad majorem rerum cognitionem consequendam eō iter ingredi statuit. Sed cùm incredibili gentium regionumque videndarum cupiditate flagraret , & ante omnia Judæam , Palæstinam ,

stinam , totamque Syriam , tot sacris aliis-  
que literarum monumentis decantatam , &  
potissimum sacrosanctum Iesu Christi Ser-  
vatoris nostri conditorum intueri atque  
adorare cuperet , per Arabiam petræam  
eò terra profectus est. Hierosolymis men-  
ses duos substitit , ut ibi eo tempore esset  
quo Christiani è diversis orbis terrarum  
regionibus , Arabes , Æthiopes , Indi , Ar-  
menij , Græci , Latini diverso ritu & cere-  
moniis Christi in crucem suffixi spectacu-  
lum edere consueverunt . quod iis jejuniis ,  
precibus , lamentationibus , planetibus , to-  
tiusque corporis squalore attritione que ab  
iis atratis & folidatis repræsentari aiebat  
ut quicunque pius ea commemorantem  
audivisset , toto corpore perhorresceret .

X X . Hinc equo insidens , quo Mem-  
phi à prætorij Turcici accenso principe ,  
cujus antè meminimus , donatus fuerat ,  
Damascum cum aliquot tum Italum tum  
Græcis comitibus proficiscens , in prædo-  
nes Arabicos vias obsidentes illapsus , ita  
eorum corona cinctus cum sociis & con-  
clusus est ut effugiendi spes exigua relicta  
videretur . Quod cum animadverteret ,  
suosque comites metu debilitatos ac fra-  
ctos videret , oratione generosa eos ad for-  
titer resistendum latronibus exhortatus ,  
equo calcaribus admisso , tanto impetu in

C

## 34 VITA PETRI CASTELLANI.

hostes illatus est ut qui ex insidiis numero plures & ad pugnam instructiores venerant, perterrefacti, incitatissimo cursu ad devia & abrupta saxis loca refugerent. In quorum fugientium turbam medium cum equo tenaci, ore indomito, nec freno obtemperante, ita invictus esset ut donec locorum angustiis & asperitate excluderetur, ad suos reverti non posset, magnæ & hostibus formidini & suis admirationi fuit. Quod enim ( quod ille non sine risu narrare, neque Rex sine oblectatione summa audire poterat ) ferocis equi importuna contumacia admissum erat, & feliciter cesserat, illi Francicæ gentis mortis & periculorum contempricis fortitudini jam olim illic decantatae ascribebant. Accidit ut in sequente nocte, eorum explorata via, domo rustica clausos prædones adorinentur, utque eos domunculæ septis eductos facilius in tenebris opprimerent, divulsis tecti tegulis, in subjectos de loco superiore varia tela conjicerent; quos ut effugarent, cum ceteri oppugnationem non ferrendam, sed fuga latè facta salutem quaerendam esse existimarent, ab eo consilio ceteros deduxit, circumdantibus domunculam hostibus locorum peritissimis in fuga salutis nullam spem esse ostendit, præsidio stabili & firmo, donec dilucesceret,

domum tenendam esse , adventuros auro-  
ra prima ex agris rusticis , locum exiguum  
à paucis , quibus arma non deessent , in-  
terim defendi posse , animos modò colli-  
gerent , neque in alia re quam fortiter pro-  
pugnando salutem positam putarent . Quo-  
rum animos cum hac oratione erexit ,  
& ad præliandum alacres reddidisset , ipse  
disploso sclopeto unum è latronibus per  
jam patentes parietum rimas in brachio  
graviter consuiciavit . quod secundò cum  
repetivisset , convolantibus jam ad tumul-  
tum undique rusticis , omnes in fugam con-  
vertit .

XXI. Damasco per Antiochiam to-  
tum Ifficum sinum emensus , Iconium ,  
quod Ciliciæ oppidum est , pervenit : ubi  
cum ex cœli intemperie , itineris molestia ,  
& pravo victu , in acutissimam febrim con-  
tinuam incidisset , qua in extremum vitæ  
discrimen conjectus videbatur , demum  
pro desperato & conclamato à comitibus  
Constantinopolim properantibus relictus  
est . Diversabatur apud Iudæum quendam  
suæ religionis & sectæ cultorem obstina-  
tissimum , cetera virum bonum & huma-  
num . Hic cum physiognomon esset ex eo  
hominum genere qui se profitentur homi-  
num mores naturalsque & hinc fata atque  
eventus ex corpore , oculis , vultu , & fron-

C ij

## 36 VITA PETRI CASTELLANI.

te cognoscere, & medicinam factitaret, videretque ingenium esse in Castellano haudquaquam vulgare & in eo elucere speciem rari nec inusitati hominis, nullum non humanitatis genus in illum exercebat. Frequens illi aderat, pharmaca etiam miscebat, & deglutienda porrigebat; quæ ad victum necessaria erant, atque omnem tractationis elegantiam & munditiem pertinebant, liberaliter suppeditabat. Cumque Castellatum saepe bono esse animo jussisset, demum propter atrocitatem morbi vitæ ejus diffidere cœpit. Quia desperatione male affectus, ad lectulum ægrotantis accedens, sibi molestissimum esse dicere aggressus est quod quæ novissima consolatio & præcipua malorumque omnium levamen adhiberi solet, eo excluderetur, aliam se de Deo persuasionem induisse, à qua Castellanus alienus esset, se, ne ei molestiam pareret, quem in sua religione obstinatum videret, ea de re nullum verbum facturum, sed Deum suum ex animo precaturum ut ei auxilio esse vellet. Cui cum Castellanus pro summa liberalitate & humanitate immortales gratias egisset, nec admodum ea consolatione egere se respondisset, ut qui Christum Servatorem suum præsentem oculis animi intueretur, & pectori impref-

sum ita gestaret ut nulla ratione eximi aut evelli posset, facilè acquievit; & de religione silentium faciens, hospitalitatis officiis omnibus, donec probè convaluisset & confirmatus esset, eum prosequi nunquam destitit.

XXII. Iconio per Asiam minorem Constantinopolim ut pervenit, per eos mercatores qui eum in Ægypto & in Syria noverant ad Forestanum deductus, & eidem commendatus, statim ingenij sui amœnitate, morum facilitate, oratione diserta prudentiæ plena, atque in primis linguae Græcæ peritia maxima notus & carus esse cœpit. Itaque fastiditis iis ejus linguae interpretibus quorum opera antea utebatur, quasi glande abjecta repertis frugibus, eum in delitiis habuit. Postremò cùm in Gallias reverti statuisset, cum literis quibus Regem de rebus gravissimis certiore reddebat, aliisque honorificis quibus eum cùm Regi tum proceribus aulæ enixè commendabat, dimisit. Venetiis transiens, alias quoque commendatitias, ad eosdem ab Episcopo Vaurense regio illic Legato accepit. Regi cum his literis, tum etiam per Episcopum Pictaviensem Comitem Tonoriensem, apud quem se, ut olim, recipiebat, atque etiam per Cardinalem Bellarium, propter virtutem do-

C iij

## 38 VITA PETRI CASTELLANI.

et ritinamque eximiam & rerum multarum experientiam ita commendatus est ut de variis rebus differentem & sermocinantem avidissimis auribus Rex inter coenandum & prandendum eum audiret, & repudiatis aliorum opinionibus, in ejus sententiam descenderet.

X X I I . Accidit iisdem temporibus ut de navigatione in Calicutium, Taprobane, Molucas insulas, & Indiam extremam apud Regem disputatio incidere. Cumque navigationum periti, praeter eam viam qua Lusitani ab Hesperibus in Austrum conversi, totius Africæ litoribus circum emensis, per promontorium quod Bonam spem appellant, ad maris rubri ostia in eas regiones penetrarent, aliam ambitis Germaniæ, Sarmatiæ, & Scythiæ litoribus per polum arcticum esse asseverarent, errare eos manifestè cum tota antiquitate, quæ idem olim persuasum habebat, convicit. Per hunc enim polum, quod circa eum terra perpetua sit citra æquinoctialem, in Indiam navigandi nullam facultatem esse demonstravit. Nam quod mare glacie astrictum retardare aut impedire navium cursum & obstruere adferunt, nihil ad rem pertinere, quod id non in Oceano, sed Codano sinu, quo per Daniam in Gothiam, Suetiam, Lappiam-

que, & Sarmatiam, aliásque septentri-  
nales gentes navigatur, contingenteret. Ve-  
rūm aliam, quam illi ignorarent, multò  
& breviorem & faciliorem esse evidenti  
demonstratione docuit. Nempe à Gadi-  
bus & freti Herculei angustiis dextrorsum,  
relicto ad sinistrum polo antarctico versùs  
Occidentem ad fretum Magellanicum ve-  
lificando, donec decursis trecentorum mil-  
liarium in longitudinem ejus angustiis, rur-  
sum ad medium cœli spatium cursum con-  
vertendo, in Indiam & orientales populos  
perveniretur. Quod in plano cùm non ita  
facilè demonstrari possit, in sphæra suis  
climatis & parallelis certa proportione ad  
cœli rationem accommodatis & totam ter-  
ram in orbem in se undequaque recurren-  
tem congregantibus tam planum atque  
apertum Regi reddidit ut vehementer ejus  
ingenium industriāmque admiraretur &  
collaudaret, & magna cum benevolentia  
significatione ad differendum de rebus  
propositis invitaret. Cùmque essent qui,  
ejus felicitati invidentes, silentium ei im-  
perare contenderent, atque ab hoc de re-  
bus omnibus apud Regem dicendi institu-  
to deterrere pararent, per filium natu ma-  
ximum Delphinum Rex ipse eum horta-  
tus est ut intrepidè & constanter ad suam  
mensam loqueretur, neque cujusquam in-

C iiiij

## 40 VITA PETRI CASTELLANI.

terpellatione aut minis de sententia deducetur.

XXIV. Accidit post aliquot menses quām in aulam regiam venisset ut & Episcopus Pictaviensis, quo Mæcenate utebatur, fato suo fungeretur, & Iacobus Colinus regius anagnostes propter verba quædam intemperanter & nimis futiliter emissa, quibus proceres aulæ inter se commiserat, excluderetur, aut certè Regis gratia obscurius uteretur. Itaque Castellanus, qui jam non mediocriter Regi gratus erat, & proceribus aulæ, non modò doctrinæ virtutisque nomine, sed etiam in odium Colini, non invitus, in illius locum facile subrogatus est. Quem locum tantum abest (quod non semel mihi ingenuè confessus est) ut ambierit, aut suo judicio, priusquam à Rege sibi deferretur, probaverit, ut si suo genio obsequi sibi integrum fuisset, sagatam quām togatam vitam & militarem quam ecclesiasticam, in qua plerosque ferè omnes flagitosè versari videbat, sequi maluisset. Itaque accitus à Rege, & interrogatus qua in re jam patrono orbus sibi operam navare vellet, Regem rogavit sibi ut præfecturam aliquam equitum veltarium demandaret, se & libris lectitandis, & aliquo usu rei militaris, tum nostræ, tum gentium exterarum, eam

scientiam tenere, ut se suam operam Regi facilè probare posse confideret. Cui cùm Rex exposuisset se ejus operam ad præstantiora requirere, Musis eum consecrassæ, eo literarum omnium intimo interprete atque anagnoste uti constituisse, acquievit, & se quæ Regi collubita essent facturum respondit. Ex quo tempore eam curam, meditationem, & diligentiam ad exornandam, quæ oblata erat, Spartam adhibuit ut non necessitate ad id genus vitæ detrusus, sed judicio & voluntate invitatus videretur. Qua in re, quod olim à Philosophis sæpius dictum est, facto suo comprobavit nullum esse naturæ tantum impedimentum quod non generosus animi conatus exercitatione & consuetudine, magis etiam sapientia & ratione, exsuperet.

XXV. Hanc enim personam ubi tanti Regis judicio & voluntate sibi impositam esse vidit, noctes & dies, veluti Prometheus Caucaso, se rursum libris affixit, nullum non auctorum genus in omnibus linguis ita manibus pervolutavit ut in singulis totam vitam contrivisse quivis etiam exercitatissimus eum diceret. Atque ut, quem animo destinarat, literarum principatum faciliùs consequeretur, eam victus rationem instituit qua, minimè crapula gravatus, nec longo somno indigeret, neque

## 42 VITA PETRI CASTELLANI.

interdiu stomachi cruditate neque fumorum redundantia cerebrum infestante laboraret. Platonis itaque ad Dionis propinquos consilium secutus, qui vetat bis die saturum esse, semper prandio abstiens, circa horam à meridie quintam cœnabat, sumpto octava matutina panis frusto, & epoto vini cyatho. quam rectè ad veram & integrum corporis sanitatem, cùm ad mortem ejus ventum erit, disputabimus. Post cœnam aliquantum cum amicis & convivis confabulando sese oblectabat. Hinc Francisco Regi ad quietem se comparanti Latinas Græcásque historias & tragœdias ad verbum penè vertens interpretabatur; & dormitienti assidens inter legendum præclari alicujus loci sententiae explicatione, tanquam emodulata Pythagoreorum musica, eum ad quietem tranquillam detersis curis omnibus & perturbationibus componebat. Tres ipse horas, quatuor ad summum dormiebat; quibus exactis, nocte intempesta excitatus in horam decimam, donec Rex sacris operaretur, in literarum studia indefessus incumbebat. Prandenti Regi ferè semper astabat; & ad ea quæ in percontando ab eo ponebantur sic respondere solitus erat ut facilè quivis naris non obesæ eum omnia ingenio summo, acerrimis studiis, at-

que usu maximo cognita & perspecta habere judicasset. Huc accesserat vocis ea lenitas , vultus gestusque compositi decor, & sermonis comitas , elegantia , & gratia, ut , quod de Pericle prodidit Eupolis, Pi-thô quandam flexanimam in ejus labris ses-sitare homines putarent. Itaque quoties disserebat , Regem , silentibus aliis omni-bus , in eum oculos conjicere , ex ejus ore veluti auribus suspensum pendere , & sin-gula verba ab eo emissa tanquam oracula probare animadvertisse.

XXVI. Hoc officio functus ad illu-strissimam Principem & virginem electissi-mam Margaretam Regis filiam omni lau-dis genere cumulatam se convertebat, quæ , inter eximias alias virtutes quibus ceteris feminis antecellebat, quod literas unicè amaret , & tanquam Zenobia , Cor-nificia, Sulpitia , atque aliæ tantopere tum à Græcis tum à Romanis decantatæ cole-ret & toto pectore amplecteretur, (quod inter tot aulicas illecebras splendidaque ornamenta satis ille mirari & laudare non poterat ) omnis humanitatis auctoribus in-terpretandis ei quotidie duas horas operam dabat. Quam tanta ejus discendi aviditate & sua docendi assiduitate ita proiectam in literis reddidit ut præstantes omnis generis auctores brevi suo , quod aiunt , marte in-

## 44 VITA PETRI CASTELLANI.

telligere & explicare potuerit ; ut demum cùm explicandis iis nihil novi adferret, necesse habuerit scholas Græcorum more habere & theses ei rerum illustrium Aristotelica imitatione disputare.

X X V I I . A Rege igitur in hunc locum cooptatus , ante omnia certam studiorum suorum rationem instituit , quam , quantumvis magnis occurrentibus negotiis , nunquam postea intermissam semper secutus est. Ea autem ejusmodi fuit ut Aristotelis imitatione , qui ut matutino tempore ἀκροάματα , post meridiem ἔξωπλευκα tractabat , sic ipse mane literas sacras , philosophiam , & mathematica amplectere-  
tur , pomeridiano tempore oratores , hi-  
storicos , & poëtas evolueret. Itaque sta-  
tim è somno excitatus ad Biblia Hebraica ,  
quibus duas horas dabat , quotidie se con-  
vertebat ; quibus exactis , novo testamen-  
to legendō & scriptoribus sacris Græcis ,  
potissimum qui in utrumque testamentum  
commentati essent , horas totidem impen-  
debat. E Latinis divum Hieronymum plu-  
rimi faciebat , non modò quòd ceteris elo-  
quentior esset , verùm etiam quòd omni-  
bus artium liberalium scientia facilè ante-  
ret. Nam ut divum Augustinum contra  
hæreticos de hominis Christiani justifica-  
tione disputando proximè ad divi Pauli

sententiam accessisse fatebatur, ita linguarum ignoratione somniaſſe frequenter atque etiam delirasse sacra explicando asſer- verabat; cùmque bonarum artium magis non ignorans quam peritus dici poffet, non satis idoneum esse judicabat cui de artibus differenti legendo tempus ab eo transmitteretur qui minimè otio abundaret. Eam quoque ſtili Augustiniani anfractuosam ſinuositatem eſſe & sermonis omni elegan- tia vacui impuritatem addebat ut ab ho- mine liberaliter in literis educato citra fa- ſtidium legi vix poffet.

XXVIII. Hoc ſacrarum literarum penſo exacto, reliquum antemeridiani tem- poris philosophiæ, mathematicis, aliisque rebus gravioribus, & Deo, ecclesiastico more, precibus placando, dabat. Post me- ridiem quicquid temporis vacui erat ab ea ſtudiorum communicatione & bonorum auctorum explicatione quam in gratiam Serenissimæ Principis Margaretæ ante cœ- nam, atque etiam Regis ipfius ante ſomnum luſcipiebat, uſque dum quieti ſe tra- deret, legendis oratoribus, poëtis, & hi- storicis, tum Græcis, tum Latinis, con- ſumebat. Quod si Regi, vel ipſi Marga- retæ, aut aliis alioqui rebus præter ſpem occurrentibus diutiūs quam confueviſſet vacando, quotidiane lectionis in his au-

## 46 VITA PETRI CASTELLANI.

& toribus pensum non exegisset, in cubiculum reversus, priusquam somnum caperet, id exequebatur. Ita quicquid quovis modo de constituto penso intermissum esset, vel horis subcesivis, vel iis ipsis quæ somno destinatae essent sarciebat. Itaque cum adeo parcus & providus temporis dispensator esset ut non modò nullum diem sine linea, quod Apelles factitabat, sed sine statu dimenso non minore diligentia quam certo ordine transmitteret, novum testamentum, & quæ ad illud attinere putabat, singulis mensibus totum, Bibliorum autem Hebraicorum, aliorumque in omnibus artibus auctorum, quorum ante meminimus, cursum biennio quoque conficiebat. Quibus hac ratione ad calcem à fronte perductis, ad eosdem de integro tanquam à carceribus ad metam recurrebat. Ita legendo, meditando, communicando, sacris operando, vacuum nullum temporis momentum effluere sinebat. Neque solùm in hoc incubuit ut doctrina multiplici, bonarum artium scientia ceteris præstaret; verùm etiam ut simplici vita cultu, innocentia, castitate, justitia, temperantia, ceterisque virtutibus ornatus, à nemine meritò reprehendi posset.

X X I X. Primùm omnium inter scribas & ministros cubicularios Regis coop-

VITA PETRI CASTELLANI. 47

tatus , mille ducentorum Francicorum stipendio insuper à Rege constituto contentus , familiam exiguum sine ullo strepitu aut tumultu communi mensa domi magna continentia alere decrevit. Morum enim aulicum , quo famulis in singulos dies alimentorum causa quinos aut quaternos nummos distribuunt , vehementer improbabat , quod hac ratione ad compositiones , aleam , scortationes , omnemque nequitiam fenestram iis patefieri dictaret; ne cum meretricibus commiscerentur , jurarent , inter se rixarentur , severè vetabat. Ipse verò , quasi mortalibus omnibus in exemplar vitæ laudatae & omnibus numeris absolutæ datus , omni mulierum usu carere , nemini mentiri , neminem fallere , neminem promissis contra aulicam consuetudinem lactare , multis suo judicio probatis citra promissum ullum benefacere , neminem unquam dicto aut facto violare , raro etiam , quod multi frontis & vultus integumentis occulta animorum vitia regentes frequenter fallerent , nisi spectatos insigniter & probatos laudare , publica negotia non tractare , procerum dissensiones & factiones dissimulare , neque ad hanc aut illam partem se adjungere sic ab initio insuevit ut facile bonis omnibus summæ admirationi esset,

flagitiosis verò atque improbis , tantum virtutum jubar oculis caligantibus non fermentibus , invidiæ.

XXX. In hac tanta vitæ moderatione & æquabili constantia cùm eum Rex amore propè singulari diligeret , quòdque & prudentissimus atque justissimus esset , ei de rebus omnibus dicenti ita assentiretur & crederet ut quidvis nullo negotio impertraret , tamen ab amicis , ut vento secundo flante vela faceret frequenter hortantibus , nunquam adduci potuit ut ex tot sacerdotiis & beneficiis quibus Rex tantus momento miseros in summum fastigium evehere solet , aliquod sibi deposceret . Quam maximam modestiam pudorémque cùm Rex animadverteret , eodem die durum abbatiarum administrationem ei mandavit . Quas ubi de Magistro Equitum alteri antè destinatas & promissas esse cognovit , ad Regem ipsum accessit , utque ei cui ex voto Magistri Equitum antea pætæ essent attribuerentur , eum oravit ; easdemque quas jam regio diplomate confignatas tenebat , eodem tempore resignavit & cessit . Qua animi ingenui & magni significatione magis atque magis in ejus amorem Rex inflammatus , intra tñius anni spatium tribus sacerdotiis , præfectura Envaonensi , episcopatu Tutelensi , & abbatia

abbatia Belloperticensi eum ornavit:

XXXI. In hoc honoris gradu locatus & confirmatus præcipuam curam & cogitationem adhibuit uti Regem, suapte natura satis tamen erga literas propensum, magis atque magis in earum promotionem inflammaret. Itaque statim ad spargendam longè latèque hanc veluti literarum segetem, cuius non modò Gallia fructus uberrimos sed etiam exteræ gentes brevi cœperunt, ut professores regio stipendio in omnibus linguis & disciplinis Lutetiæ docendis auctorarentur, à Rege impetravit. Cujus rei cùm à doctissimo viro Gulielmo Budæo, Ioanne Bellaio Cardinale clarissimo adjutore, fundamenta quædam olim jacta ruitura viderentur nisi structuræ totius validioribus columnis fultæ exædificatio accederet, quæcunque ad hanc rem in sempiternum tempus propagandam necessaria videbantur non minore diligentia quam prudentia comparavit. Imprimis ut honestis stipendiis conducti, sacerdotiis quoque professores ornarentur à Rege, & hoc veluti auctoramento ad suum munus obeundum alacriores redderentur, effecit. Atque ne singulis annis cum aperta suorum studiorum & professionum jactura stipendiiorum persequendorum causa regiam aulam sequi cogerentur, sæpius & quidem

D

50 VITA PETRI CASTELLANI.

enixè operam dedit ut in eos commentarios quibus domestici Regis officiales adscripti sunt referrentur. Hac enim ratione, citra ullius efflagitationis importunitatem & novam quotannis Regis appellationem, quater in anno æquis portionibus eos sua stipendia certa accepturos, & hinc hujus rei securos sua munera pro dignitate obturos esse cognoscebat. Quod si quemadmodum nullo negotio Regi persuasit, tam facile à Quæstoribus, & qui ærario rationib[us]que præsunt, obtinere potuisset, præclarè & literis & eas regio nomine profertibus in futurum consultum fuisset.

XXXII. Atque etiam ut rei literariæ longiùs contra barbarorum vim aliásque temporum injurias consuleret, quibus frequenter maxima Principum opera aut retardari aut etiam aboleri cernimus, eò Regem adduxerat ut gymnasium insigni amplitudine, structura & artificio inaudito trans Sequanam è regione Luparæ, vellut opulentissimum literarum emporium, sumptu propè infinito ædificaret, censuque centum Francicorum millium alendis omnium artium linguarūmque doctoribus & interpretibus sacrificisque, qui rem diuinam facerent, & lectis adolescentibus præstantique ingenio præditis supra sexcentos, qui ibidem instituerentur, dotaret.

VITA PETRI CASTELLANI. 51

Qua in designatione cùm omnium artium & linguarum professores constituisset, quantum temporis unicuique puer insti- tuendus singulis diebus operam daret, & quibus gradibus, donec anno decimo- quarto ~~etiam~~ absolvisset, singu- los audiret, non magis prolixè quàm di- fertè & doctè descripserat. Quo ejus in- comparabili beneficio nos hodie atque etiam in perpetuum posteri frueremur, nisi qui, congruo vitæ exitu planè miserabili satis notus, tum Cancellarium age- bat, improbitatis & malignitatis felle fuf- fus, tergiversando, dissimulando, & differendo, interdum etiam bellicas diffi- cultates objiciendo, opus toties distulisset & designatum impeditivisset. Quarum re- rum perficiendarum gloria, quæ ad im- mortale literarum decus pertinentes sæpe quidem, sed genio quodam sinistro adver- sante frustra tentatæ sunt, illustrissimum & omnium bonarum artium amantissimum Cardinalem Lotharingum manet: qui quemadmodum eas & earum professores lubens admodum in suam fidem & clien- telam accepit, ita qua valet in florentissi- ma Regis aula auctoritate & gratia, pri- mum quidem quandocunque volet vel solo nutu, alterum verò festa pace in lu- cem ex densis bellorum tenebris tandem

D ij

aliquando revocata conficere poterit.

XXXIII. Sed ut ad hanc pulcherri-  
mam Musarum expeditionem revertar,  
silentio prætermittendum non est quod  
Bibliothecam, quæ Pergami Ægyptique  
Regum aliasque ubivis terrarum olim flo-  
rentissimas exuperaret, conquisitis non ex  
Italia modò & vicinis regionibus, sed Græ-  
cia & Asia tota, regio sumptu maximo,  
omnium artium vetustissimis libris refer-  
rit. Quemadmodum enim bellum cum ho-  
stibus gesturos armamentaria omni telo-  
rum armorumque genere instructa semper  
habere oportere dicebat, ita regnum lite-  
rarum contra barbaros defensuris & pro-  
pagaturis hanc omnium artium lingua-  
rūmque monumentis munitam necessa-  
riam esse judicabat. Quæ tanta librorum  
moles ne unum in locum congesta videre-  
tur ut situ & squalore foedata, aut à blat-  
ris & tineis exesa, aliave cœli injuria tem-  
poris progressu corrumperetur, librorum  
custodes concinnatorésque, qui totam  
hanc rem librariam fartam tectam tueren-  
tur, perpetuo Regis stipendio conductos  
apponi ibidem curavit. Nec eō contentus,  
ut, quod unum spectabat, non ad inanem  
ostentationem, sed ad publica commoda  
laboriosa hæc librorum quæstura constitu-  
ta videretur, hoc etiam perfecit, ut sculpsit

fusisque elegantissimis characteribus officina typographica, in qua libri sigillatim è regia bibliotheca accepti excuderentur, conductis quoque regia pecunia variis ad eam rem necessariis artificibus, excitaretur.

XXXIV. Hanc præclaram literas & earum regios professores tuendi voluntatem ita semper conservavit ut nihil unquam iis detrahi aut de eorum dignitate imminui pateretur. Itaque cùm pro veteri Prati Clericorum jure vindicando tumultuantibus scholasticis, hi quibus elegantia doctrinæ horum temporum parum placet, seditionum bonorūmque morum & religionis depravatæ causas in regias literarum profesiones, opportunè iis insidiati, conferrent, eásque aut abolendas aut privatorum gymnasiorum, in quibus veteri ritu pueri artes docentur, septis includendas esse Regi suaderent, fortiter intercessit, eósque non minùs improbè quam inscienter facere docuit; qui cùm rem longè saluberrimam, omnium bonorum fontem, propter paucorum vitium, qui ea abutentur, veluti malorum omnium sentinam accusarent, perinde facerent atque hi qui solem vitæ parentem, quòd pituita redundantibus nonnunquam morborum causam adfert, è mundo tollendum esse clamitant. Non enim qui ad hæc tetra facinora con-

D iiij

## 54 VITA PETRI CASTELLANI.

tra leges & omnem honestatem edenda se profligarent, bonarum artium studiosos esse, aut publicas profesiones sectari, quibus discendi cupidi à flagitiis & sceleribus avocarentur. Quod si gymnasiorum, in quibus instituto academiæ pueri artes docerentur, regij professores circumscriberentur, fore statim ut professionum fructus & dignitas evanesceret. Non enim ex auditorum re futurum ut ad hos diversis in locis & longè dissitis audiendos accederent, quod plus temporis adeundo quam audiendo consumpturi essent. Qua etiam ratione fieret ut unum audientes altero excluderentur. Adde quod neque è dignitate regiae profesionis esset, quæ ad publicam omnium mortalium utilitatem beneficentia regia constituta est, ut in privatam scholam pueris instituendis addictam regij professores eorumque graviores auditores tanquam in insulam exilij causa relegarentur, qua ex re accideret ut etiam privatarum lectionum in gymnasiis morumque & rituum vetus ordo dissoluatur, & disciplinæ veteris major longè labefactatio consequeretur. Quibus rationibus vir non minus prudens quam disertus facilè Regi atque ejus aulæ proceribus persuasit ut quo loco & ordine consueverint, regij literarum professores docere

& sua munera obire perseverarent.

XXXV. Hunc optimum erga literas affectum cùm ita in Rege confirmasset & adauxisset ut his provehendis ille nihil non profundere paratus esset, totum se ad persuasionem de religione quàm maximè orthodoxam illius animo tenaciter impri mendam contulit. Quem locum quia valde ancipitem esse & lubricum video, hominibus in diversa studia abreptis ejus factum aliter atque aliter interpretantibus, expli candum pertractandūmque esse pluribus judico. Nam à quibusdam, qui quicquid politioribus literis tinctum est, aut ex He bræis Græcisque literis erutum, statim Lutheranum esse clamitant, affinem eisectæ, ab aliis verò aulæ pontificiæ corruptos mores, nundinationes rerum sacrarum, & quam vocant superstitionem improbantibus, purpurei galeri desiderio fictum & personatum simulatorem habitum esse non ignoro. Non abs re igitur, ut iis scrupulum adimam qui veris vinci volunt, quæ fuerit illius hac in re sententia, quidque spectaverit, quod hic locus admonet, pro diturus mihi videor. Quam ad rem si minùs ab eloquentia adjuvabor, at ab eo non parva auxilia sentiam quod cum mortalium nemine plura unquam quàm mecum de rebus in religione hodie controversis com

D iiii

56 VITA PETRI CASTELLANI.

municavit, neque pro eo amore quo propè singulari me complexus est, apertius animi sui arcana cuiquam quam mihi patefecit.

XXXVI. Itaque cùm Regem ad defectionem à Pontifice Romano & veteris in Ecclesia disciplinæ dissolutionem ab externis Principibus & populis variè sollicitatum videret, hac ratione opem & auxilium ad debilitandum & opprimendum Cæsarem pollicentibus, cùm semper tanquam murus aheneus contra staret, in veteribus ritibus & ceremoniis Regem confirmaret, in homines hæc nova dogmata invulgantes severè animadvertisendum inculcaret, qui eos quoquo modo oppugnarent tueretur & commendaret, admonitus ab iis amicis ad quos multorum querimoniæ deferebantur modum ut aliquem servaret, sic zizanias reliquasque noxias herbas ex agro evellendas esse persuaderet fata ut salutaria non laderentur & incolmia permanerent, sic veteris Ecclesiæ doctrinam puram & sanctam judicandam esse ut interim Pontificum cauponationes, sacrilegia, nequitia, libidinesque coercerentur, ita respondere solitus erat, tantum esse in tam potente Rege in utramvis partem momentum, cuius in Gallia homines obsequentes & morigeri non modo mandata, edicta, & imperia, verum etiam nu-

cus omnes observarent, ut si novæ hujus libertatis studiosi ad ea quæ meditarentur conniventem eum aut quicquam laxantem animadverterent, statim omnes tumultus, quos nimio reipublicæ malo superioribus annis Germania sensisset, concitaturi essent, sacra omnia prophanaturi, & demum omnibus magistratibus atque etiam ipsi Regi, velut diffractis omnibus modestiæ retinaculis, disceptandi imperandique facultatem omnem aut erupturi aut certè conturbaturi; tantum esse odium horum animis inclusum contra ordinem ecclesiasticum, tam profundam solidioris doctrinæ ignorantiam, tantamque non pietatem, sed ingenij ostentationem, & in alia invadendi insitam cupiditatem, ut nullo judicio, delectu, & discrimine, si in suas partes propendentem vel minimum Regem viderent, statim omnia sursum deorsum commissuri & subversuri viderentur; majorem hominum partem, qui se novos Christianos profiterentur, fidei Christianæ, quam non intelligerent, illecebria primùm allicefactos, rerum omnium delectu sublato paulatim *αρεος* reddi, neque demum fedes ullas beatorum post mortem neque inferos esse cogitare. Superstitionem autem, quam jure improbarent, ex duobus tamen malis multum an-

## 58 VITA PETRI CASTELLANI.

referendam impietati & fraudi, qua Dei omni metu exuti mortales quidvis sibi licere arbitrantur. Neque enim se negare tanta esse Pontificis Romani ejusque Ecclesiæ administrorum sacrilegia flagitiæ que ut gravibus & cordatis dissimulari nec possent nec deberent; sed tempus messis expectandum, in quo à semine salutari paleæ, acus, & noxia cuncta separabuntur; expectandum non modò extremum illum divini judicij diem, sed etiam Synodum aliquam in Spiritu sancto rite congregandam, nihil temerè per vim & inconsideratum animi impetum immutandum. Neque fieri posse quin in factione quoque diversa calumniatores essent, qui odio, invidia, vel nimio studio suas opes & dignitates retinendi potius quam pietatis affectu bonos aliquando viros pro Lutheranis perseverentur; ferendos tamen esse quoties in suspicione, à qua etiam crimen abesset, suspectos in judicium vocarent. Quod si innocentes essent accusati, absolui possent; condemnari autem nocentes, nisi accusarentur, non possent. Nam ad rem locum illum ex Cicerone pro Roscio de canibus Capitolinis adducebat, ut illos olim, cum fures internoscere non possent, recte latraru appetere solitos esse quicunque noctu Capitolium ingressi essent; ita ut metu

lymphaticorum quorundam comprime-  
retur audacia , quoties moribus & longo  
usu in Ecclesia recepta privata auctoritate  
abrogarent aut seditiosè damnarent , la-  
tratores , à quibus appeterentur , reipu-  
blicæ causa favore prosequendos esse. Se  
autem votis ardentibus expetere salubrem  
aliquam magnorum vitiorum in Ecclesia  
grassantium emendationem & correctio-  
nem ; sed quanto malum vetustate corro-  
boratum , depravatis omnibus penes quos  
summa rerum esset , altius radices egisset ,  
tanto difficilem curationem videri ,  
quam non impetus inconsideratus aut fu-  
ror hominum privatorum , sed publicus  
doctorum & bonorum hominum conven-  
tus gravi & matura disceptatione esset al-  
laturus.

XXXVII. Hæc , cùm vacuus à ne-  
gotiis esset , & soli ferè essemus , de nimia  
horum temporum in tam depravatis eccle-  
siasticorum moribus calumniandi bonos  
homines licentia edifferebat. Quæ eadem  
cùm frequenter regiis auribus inculcaret ,  
facilè eum in sacra & pia de religione sen-  
tentia continebat , & aversum à crudelita-  
te ad animi moderationem lenitatemque  
ita traducebat ut prolapsos in errorem , fu-  
tiliter atque etiam impiè de religione lo-  
cutos , resipiscentes tamen , vel absolveret ,

60 VITA PETRI CASTELLANI.

vel certè extremo suppicio liberatos in Ecclesiæ gremium vetere ejus instituto & more recipi vellet. Cui rei argumento erit inter cetera firmissimo venia per ipsum universo Valdensium generi triennio antequam exscinderentur concessa : qui cùm à toto Senatu Provinciali & legatis regiis accusarentur , non modò impietatis , sed & majestatis , quòd rebellionem moliti vim & arma intentasse magistratibus dicerentur , efféntque in aula apud Regem rerum clavum tenentes qui oleum camino infunderent , solus tamen Regis animum iracundia incensum restinxit , & ad humanitatem & lenitatem flexit. Nulla enim iusta ratione in eos sæviri posse dicebat qui se ulla vi Regi restitisse pernegrarent , & in hanc rem à regia æquitate cognitores deposcerent , paratos esse quævis supplicia luere si quid tale admisisse convincerentur. Quod autem ad religionem attineret , si quid esset à quibusdam privatis inter ipsos delictum , se eorum errata tueri nolle , neque ulli pravæ sectæ , quæ à communi Christianorum sententia dissideret , pertinaciter adhærere velle , & per omnia Deo primùm deinde Regi satisfacere atque obsequi paratos esse.

XXXVIII. Quam Regis indulgentiam & clementiam cùm intellexisset Na-

VITA PETRI CASTELLANI. 61

varræ Regina, manibus ad cœlum sublatiis exclamavit, & Deo Opt. Max. gratias egit, quod miserum populum per eum hominem servasset à quo nihil unquam ejusmodi expectasset. Qua in re præstantialio- qui judicio femina, cui non satis erat Ca- stellanus notus, valde fallebatur. Etenim quamquam is hæreses & pravas de religio- ne persuasiones vehementer execrabatur, non tamen omnes improborum fraude aut sua nimia simplicitate his perperam imbūtos ita oderat quin ex animo & lubens cul- pam agnoscētibus & Regis misericordiam implorantibus suum patrocinium ac- commodaret. Et quamquam ecclesiasticos ordines veterēmque disciplinam & cere- monias Ecclesiæ veluti sacrosanctas tueri volebat, non tamen pontificiorum flagitia & sacrarum rerum abusus defendebat; sed moderatam aliquam inter dissidentes de religione emendationem, labentisque ecclesiæ instaurationem, tanquam saluta- rem medicinam ancipiti morbo, insti- tuendam esse judicabat. Illa autem eum quem pontificiam ecclesiasticāmque dig- nitatem nimis severè defendere, & qui contra hanc luxatam & loco motam his temporibus loquerentur, nimis acerbè re- fellere arbitraretur, nunquam commissu- rum putabat ut cùm omnia contra fecisse

diceretur, in extremo discrimine positis patrocinaretur & salutem impetraret.

XXXIX. Id magis verum esse credat qui Doletum longi carceris illuvie fœdum, prima accusatione impiæ fraudis reum, Castellano supplice carcere emisum & omni noxia condonata liberatum esse cognoverit. Quod quidem cùm vehementer ab iis improbaretur qui tum apud Regem omnia posse putabantur, atque ob id ex iis unus primi nominis Cardinalis Castellanum gravi & objurgatrice oratione adortus esset quòd cùm in Ecclesia orthodoxorum Pontificis locum teneret, contra omnes tamen homines quibus religio & pietas cordi esset eorum qui non modo Lutherana lue infecti, sed etiam Dei expertes, impietatis rei essent, partes tueri apud Christianissimum Regem ausus esset, memini Castellanum, cùm paulum se collegisset, animo satis incitato & commoto respondisse se, de quo accusabatur, in accusatorem meritò retorquere posse, cùm ipse quod viri ecclesiastici & veri Pontificis proprium esset fecisset, ille vero quod veri carnificis esset ab Episcopis exigueret. Episcoporum enim esse, & Sacerdotum Christi, & Apostolorum, virorumque sanctorum, qui nobis suo sanguine Ecclesiam consecrarunt, exemplo, Re-

gem à sævitia & immanitate ad mansuetudinem , clementiam , & misericordiam convertere, errantem ovem humeris impositam in ovile reducere , déque ea recepta , tanquam expugnatis hostium castris , gaudio triumphare , maximè ubi melioris vitæ spes aliqua affulgeret ; se apud Regem Doleti fraudibus & sceleribus nullum patrocinium tribuisse ; pro eo qui promitteret vitæ morūmque emendationem homine Christiano dignam Regi suppli- cem factum esse. Qui pœnitentiæ affectus quandocunque in eo qui temerè in errorem prolapsus est conspicitur , se illi existimare Ecclesiæ sinum expandendum esse. non ut olim Dianam in Taurica Chersoneso , ita Christum Servatorem nostrum sanguinis humani profusione delectari , cùm in sacris scriptum sit Deum non mortem peccatoris sed ad meliora conversi- nem & vitam expetere. qui contra face- rent , & ad immania supplicia de his qui resipiscerent & corpori Ecclesiæ redinseri cuperent sumenda Regem incenderent , carnifices potius quàm Pontifices vocan- dos esse.

X L. Multa ejusmodi commemorari possunt ; è quibus , brevitatis causa , ubi unum superioribus adjunxero , aliò me convertam. Accidit ante biennium ut

## 64 VITA PETRI CASTELLANI.

Causidici cuiusdam Parisiensis filius, annum decimumquartum nondum ingressus, cum petulantia puerili præceps, tum etiam à pædagogo seditioso & temerario malis opinionum elementis imbutus, è templo ejus scholæ, in qua literis operam dabat, per noctem signis sacris membra suffringe-  
ret, & libellos famosos manu incognita scriptos per aream ejus loci spargeret. in quo facinore demum deprehensus, & in carcerem abductus, severo admodum ju-  
dicio damnatus est. Supplicium ejusmo-  
di fuit, ut per triduum intermissa die per aream gymnasij atque urbis compita cir-  
cumductus, manibus revinctis, laqueo in collum inserto, virgis acerrimè cæderetur.  
Hinc ab omni hominum congressu & col-  
loquio avulsus, certo loco lapideis parie-  
tibus undequaque cincto, unica fenestra-  
la, qua & de coelo aërem attraheret &  
cibum exciperet, relicta, ad reliquum vi-  
tæ tempus exigendum includeretur. Quod  
judicium etsi permultis non modò nimis  
severum, sed crudele ætatis puerilis ratio-  
ne habita videretur, neque tamen esset  
qui pro puero Regem appellare auderet,  
ipse, re tota intellecta, postquam puerum  
convenisset, nec malitia inverterata, sed  
fraude importuni pædagogi, & levitate  
puerili in hanc amentiam præcipitem da-  
tum

rum scelus agnoscetem & deplorantem invenisset, à Rege ei veniam & monasticam vitam profitendi libertatem impetravit, & immanitatem eorum qui in puerum nullo judicio praeditum tam barbarum supplicium statuissent vehementer detestatus est.

X L I. Hæc ut serviens tempori & personis quæ semper incendia crepabant, cùm tamen nihil haberent ecclesiasticum, in hanc sententiam sœpe loquebatur, ita in eos qui indulgendo & condonando nimis essent faciles frequenter invehebatur; præcipuè si crimen publicum esset, si ad seditionem spectaret, si non ab errore sed ab inveterato vitio profectum & contra præcipua capita religionis admissum esset. In quibus, ut ceteri eorum exemplo ad pecandum tardiores essent, non statim quos cunque in Ecclesiam recipiendos esse, sed cunctatione & mora interposita primùm explorari eorum animos, deinde à communione reliquorum aliquantis per arceri, postremò irrogata aliqua pœna ad ea quæ à ministris Ecclesiæ imperarentur facienda ut assuescerent veteri ritu & instituto volebat. Qua in re & inter eos qui nimiùm acerbè vindictam & supplicia exigendo ad desperationem & extrema cogitanda homines adigebant, & eos qui nimiùm remissè indulgendo veterem disciplinam

E

## 66 VITA PETRI CASTELLANI.

prorsus labefactabant, ita medium se gerebat ut si publico Concilio, in quo quae hodie de religione controversa sunt disceptarentur, ei aliquando interesse contigisset, dissidentium conciliatorem praestare se facilè potuisset. Nam ut phanaticis & novorum dogmatum invulgatoribus semper sese acriter opponebat, ita nequaquam ecclesiasticorum hominum flagitia & abusus connivendo dissimulanda aut toleranda esse clamabat.

XLI. Memini ante annos novem cum Rex Britanniæ Henricus octavus codicem quendam Regi misisset, in quo præcipua capita doctrinæ suæ complectebatur, & cur à Romano Pontifice defecisset, & in monachorum reliquorūmque in Ecclesia fucorum (ita enim loquebatur) bona invasisset, rationem reddere nitebatur, Regem Franciscum, cum multa in eo libro improbaret, & temerè suscepta ab Henrico Rege dictitaret, non tamen alienum ratione judicasse quod de opimis sacerdotiis ecclesiasticorum fisco regio applicandis ille differebat. Non enim dissentaneum esse dicebat quod ille ut facinus execratur maximas opes in luxum & libidines sacerdotum otiosorum converti; quæ si à Principibus occuparentur, populus gravioribus tributis & oneribus levari, pau-

peribus succurri , religionem & literas profitentibus consuli , postremò regni totius incolunitas & salus parari retinerique posset. Quæ cùm in hanc sententiam astante Castellano ita locutus esset ut quid ad ea responderet expectare videretur , Castellanus vultu ad incredibilem modestiam observantiāque composito , oratione blanda , & quæ magis aures animūmque Regis permulcere quam exacerbare , ejus sententiam refellendo , videretur , ita respondit: Non abs re accusari à Rege sacerdotum vitam flagitiosam , inertiamque & ignaviam in pascendo grege sibi commisso , animalia videri ventri abdomini & delitiis nata , esurientibus interim & passim sine certo lare vagantibus quibus saturandis & certo statu constituendis eos sollicitos esse oportebat. eam rem idcirco totam magna aliqua & severa animadversione dignam judicari. Sed culpam præcipuam penes ipsos Reges esse , qui talia ventris libidinūmque mancipia Ecclesiis præficerent , qui doctos & probos non deligerent , qui in ea re , ut legibus solverentur , vim summis etiam Pontificibus adferrent. inutiles & perniciosos maturo Ecclesiæ legitimè convocatæ consensu tollendos esse , & idoneos præficiendos cogendosque ad officium , ut Ecclesiarum opes in eos usus converterentur in

E ij

## 68 VITA PETRI CASTELLANI.

quos à primis conditoribus destinatas esse constat. Non idcirco Principum fiscis attribuendas , quando voluntas ultima eorum qui has opes Ecclesiis in optimum finem addixissent, quod valde & legibus & rationi repugnat, rescinderetur , nec tandem fortasse fisco Principum adjudicatae plus commodi reipublicæ allaturæ es- sent quàm hodie in tam perturbato & depravato ecclesiasticorum hominum statu adferant. Sic vitandam esse Charybdim ne in Scyllam incidamus, non esse vites à radicibus exscindendas , quod instituit Lycurgus in Thracia , quòd temulenti vino inebrientur. Vocando ad munus ecclesiasticum qui doctrina insigni & vitæ sanctimonia ceteris præluceant ; indignos autem & inofficiosos , velut fucos ab alvearibus , sic ab omni munere ecclesiastico removendos & arcendos esse. hoc Regum esse potius officium quàm (quod Britanniæ Rex meditabatur ) utraque potestate sibi vendicata , ecclesiasticam pessum dare & iis utramque tenebris involuere ut in neutra liquidum nihil & purum proprium que perspici posset. Quem ita differentem cum Rex benignè audivisset, tantum abest ut in Britanniæ Regis sententiam descendere ut clara voce permultis astantibus pronuntiaverit eum sibi videri regnandi

satiestate affectum, inusitata & prodigiosa  
variarum rerum monstra quotidie parere.

X L I I I . Hujusmodi Socratis dissertationibus non minus eruditis quam elegantibus, & leni suavique actione expressis, Regem non modo in officio continebat, verum etiam frequenter à prava sententia, in quam assentatores & improbi eum pertrahere conabantur, abducebat; ut paucis post interjectis mensibus in eo quod jam dicam accidit. Nam cum, ardente inter Regem & Cæsarem bello, undique pecuniae, belli nervus, conquirentur, & Poietus tum Cancellarius, malis artibus Regis gratiam aucupans, cum bonis improbus non posset, multis astantibus pronuntiasset privatorum omnium atque etiam rerum publicarum regnique totius opes omnes Regis esse, quandocunque rei numariae penuria in regno administrando urgeretur, probari id facilè ex eo posse quod de regio jure primo Regum à Samuele pronuntiatum esset, sceleratam vocem multis stupentibus, nec tamen hiscere audentibus, non dissimulanter tulit. Talem olim vocem apud Atreum, Thystem, Neronem, & Caligulam cum plausu & favore edi potuisse; apud bonum Principem, sanctis legibus & institutis suo populo imperantem, non solùm edi, sed

E iij

## 70 VITA PETRI CASTELLANI.

ne cogitari quidem sine summo scelere posse. Multum esse discriminis inter Tyrannum & Regem. illum ad se legibus contortis & oppressis omnia trahere, hunc legibus observatis, exhibito optimatum consilio, omnia referre ad publicam utilitatem; incidere verò ea tempora posse ut Regibus ad sui populi facultates confgiendum sit, & iis ad tempus tanquam propriis utendum; verùm non quavis de causa, sed urgente ea necessitate qua salus publica periclitetur, idque primùm convocatis nobilium populique principibus, & consentientibus. Deum in veteris testamenti libris populo Israëlitico malorum Regum & Tyrannorum mores, non proborum & sanctorum, descripsisse. Poïetum magnam injuriam sanctissimo atque optimo Regi facere, qui apud eum voce tam nefaria & ad omnem improbitatem proflata uteretur. Qua oratione regiam in aliorum pecunias invadendi licentiam coërcente tantum abest ut Rex offensus sit ut suum Cancellarium, ejus improbitate assentationēque animadversa, ne aspectu quidem dignatus sit, & oculis ad Castellanum aliósque qui astabant conversis, Castellani orationem mirificè comprobaverit, & quæ de malis atque improbis Regibus variè apud historicos scripta,

quæque de eorum officio apud philosophos & scriptores sacros explicata sunt, eloquentia incomparabili commemoraverit. Tantum ejus prudentiæ doctrinæque cum eximia probitate conjunctæ Rex tribuebat ut etiam contra sua commoda & jura differenti citra ullam animi offensi significationem crederet. Itaque cùm de doctis hominibus loqueretur, dictitare solebat se permultis extra communem aliorum aleam positis doctis hominibus persœpe familiariter usum esse & delectatum, verùm præter Castellanum neminem sibi ad eam diem visum cuius eruditionem omnem non intra biennium exhausisset. hunc veluti omnium artium quendam oceum semper vivo gurgite redundantem ad se accedentem semper videri novum nec unquam antè auditum. eam esse ejus immortalis ingenij vim & doctrinæ fœcunditatem ut nunquam in ulla disputatione hæsitare & titubare visus esset. Quæ tam florēns ejus gratia cùm quibusdam invidentiæ stimulo incitatis non multūm arrideret, per mulierculas Regis benevolentia utentes eum apud Regem in suspicionem & odium trahere conati sunt, quasi de Rege & moribus aulicis finistrè loqui solitus esset. De quo cùm Rex ipse cum eo expostulasset, Regique respondisset satis

E iiij

## 72 VITA PETRI CASTELLANI.

generosè se paratum esse tam impiam calumniam singulari certamine à se propulsare , si ab alio quam à liberis regiis aut ab iis qui de sanguine regio procreati essent profecta esset , Rex ipse vultu placido & ad humanitatem composito nihil opus esse ullo conflictu dixit , cùm nihil unquam tale de eo sibi persuasisset. Atque ut ita se rem habere existimaret , eo ipso temporis articulo , ut in solo suo natalitio dignitate principe exornaretur , eum Episcopum Matisconensium designavit. Quo Regis judicio atque patriæ amore adductus , cùm episcopatus duos administrare nollet , Tuttelensi statim se abdicavit , & pro eo abbatiam Altovillarensem accepit.

X L I V . Tantum autem adulatoribus , calumniatoribus , atque ostentatoribus rerum miracula prolixè promittentibus infensus erat ut nullo eos loco ferret , sed statim verum opponendo confutaret , & elingues redderet. Biennio ferè ante mortem Regis , cùm quidam & inter ceteros mulierculæ non obscura apud Regem gratia valentes Duci Aurelianorum , quem ab eo diligi videbant , impensiùs faverent , & cùm assentandi studio , tum etiam suas opes illius potentia stabiliendi , multis illum laudibus ad cœlum efferrent , & per mathematicos genesi ejus diligenter inspecta &

explicata, gentium latè victorem futurum, Henricum verò Delphinum , qui hodie regnat , animo lento & sopito, infelici quodam syderum positu natum vix unquam quicquam Francorum Rege dignum gesturum pronuntiarent , improbam adulationem calumniámque non tulit ; sed ad eas contracto vultu , advertente Rege conversus , posteaquam paucis quàm difficile esset astrologiam rectè perdiscere , multò etiam difficilius astra hominibus accommodare , & ex iisdem futura cuique prædicere differuisset , multa quoque alia addidisset de impudentia & vanitate mathematicorum , propter quæ eis fides adhibenda non esset , subjecit se olim à primis studiorum incunabulis eam iis rebus sub Turrello operam dedisse ut non facilè cuiquam fatidicorum in hoc genere cessurus esset. Itaque & fallendi temporis & animum explendi curiosísque satisfaciendi causa ex iis principiis quæ periti mathematici constituunt expenso diligenter Regis liberorúmque ejus nativitatis momento , & ad astrorum cursum congressúmque accommodato , se utriusque ingenium & naturæ propensionem futurámque felicitatem ex arte delineasse , & se quidem Carolum, ut summa humanitate, ita animi magnitudine præditum , bellicosum , magno-

## 74 VITA PETRI CASTELLANI.

rum amicitia & opibus fultum , valde potentem futurum animadvertisse ; at verò Henricum bellicis artibus aliisque virtutibus Principe dignis haudquam inferiorem , atque insuper suorum hostium latè victorem felicissimum regnaturum competrisse. Verùm cùm hæc omnis ratio fatidica , propter eas causas quas ab initio attigerat, admodum incerta , lubrica, & præceps esset , multò certius & satius esse de moribus & ingenio utriusque , quid utriusque accidere & obvenire posset , augurari. Quod cùm ad Henricum , qui hodie regnat , perlatum esset , incredibili ille lætitia affectus est ; non quidem quòd se magnopere dilaudari cuperet , vir natura ab omni assentatione remotissimus ; sed quòd inventus esset singulari vir integritate, qui non minùs constanter quàm liberè apud patrem , apud quem ne in suspicionem aut odium traheretur metuebat , pro veritate atque innocentia propugnaret. Quam ejus libertatem , ut à veritate profectam , Rex ipse Franciscus , ringentibus adulatoribus , boni consuluit , & se auribus æquis excipere præ se tulit. Ita quæ in speciem dura & regiis auribus aliena insolentiaque erant , vir non minùs disertus & prudens quam justus & verus Regi facile probabat , suaviaque & amœna reddebat.

XLV. Poïeto peculatus, repetundarum, variaeque corruptelæ, & fardium reo, regio jussu in carcerem conjecto, interroganti Regi quidnam de ejus vinculis sentiret, gravioribus pœnis, si quæ de eo passim jactabantur vera essent, dignissimum respondit; sed sibi valde dolere quod leviore de causa in eum manuum injectio decreta videretur, cum scelerata multa aliis temporibus carcere digniora patrasset. Ille enim, quia quod Rex fieri imperaverat, in alterius, cui favebat, gratiam literas alteri obsignare recusasset, comprehendendi & vinciri jussus erat, Castellano tamen Rex, ut erat animo præsenti & acuto, ex tempore satisfecit egregiè, Poïeto accidisse quod frequenter arborum fructibus solet, qui Euro Austroque violento exagitati vim in arbore sustinent, levi deinde Favonio flante scepe ad terram decidua leguntur. Hac tanta apud Regem gratia eum identidem admonendo, docendo, ab ira revocando, pro bonis & innocentibus patrocinando, hoc consequebatur ne quid ille, ætate ingravescente, qua morosior & iracundior evaserat, asperius in quemquem aut acerbius statueret. Cum in hac schola ante annos octo Sophista famosus, Musis iratis natus, gloriæ popularis siti inexplebili præceps, Aristotele, Cicerone,

## 76 VITA PETRI CASTELLANI.

& Quintiliano petulanter & ignoranter vexatis, nullum finem in quemvis auctorem classicum debacchandi fakturus videatur, priusquam præsentem literarum statum labefactasset & ad suam libidinem pervertisset, permulti doctrina & virtute conspicui homines audaciam tam prodigiosam indignissimè tulerunt. Cùmque de eo apud Regem ita conquesti essent ut ille, pro sua perpetua in literas & literarum professores benevolentia, hunc indignabundus ad remum damnatum triremibus addicere statueret, Regis animum faceti leporis suavitate emollitum ad mitiorem sententiam traduxit. Sophistam nugantem, & ineptè philosophantem, ab humannissimo Rege nullo capitali supplicio puniendum esse. Verùm cum doctis hominibus coram gravibus disceptatoribus in disputationis certamen commissum, argumentis convincendum & ratione aliqua leviore ad sanitatem reducendum. Quorum sententia cùm illum Rex inscitiae, impudentiae, & temeritatis damnatum, silentique poena multatum vidisset, facile acquievit, neque acerbius quicquam in eum statuit.

X L V I . Quoties de magnis viris sua virtute satis notis, qui cedentes inimicorum calumniæ, aula relicta, in suas ædes

se contulerant, sermo incideret, bene de iis loqui, eorum prudentiam, animi magnitudinem, in pace bene constituendæ reipublicæ peritiam summam, in bello etiam auctoritatem & felicitatem, quanta modestia poterat, prædicare non desinebat, & ne alieniore ab iis animo Rex esset efficiebat. Itaque tantam ejus apud patrem gratiam tantum abest ut indignè tulerit Henricus tum Delphinus, cui temporum illorum status non satis arridere credebat, ut quemadmodum plures Nestoras ad potiundum Troja Agamemnon, sic ille ad salutaria Regis auribus instillanda Castellani permultos similes Regi adesse sœpe optaverit. Quo die, mortuo Cardinale Venatore magno Franciæ Eleemosynario, in ejus locum Cardinalis Medonensis apud D. Menehildis fanum designatus est, accidit ut è pago propinquuo Castellanus uno comite per eam viam ad Regis prandium se conferret per quam cum sua cohorte Henricus à matutina Regis salutatione se rus referebat: qui ubi Castellanum aspergit, relictis comitibus, in diversam viæ partem se transtulit, &, eo appellato, novum quendam Eleemosynarium creatum esse nuntiavit; sed si dicendæ sententiæ in eo senatu sibi locus datus esset, non alium quam Castellanum futurum fuisse. Cui ubi

## 78 VITA PETRI CASTELLANI.

tribus verbis Castellanus pro benigna in se  
voluntate & judicio gratias egisset, sēque  
nihil tale ambire dixisset, ad suos ille se  
recepit. Tantum in eo virtutis prudentiæ  
que præsumpta opinio valebat ut diversæ  
factionis hominibus æquè carus & admi-  
rabilis esset.

XLVII. Et quamquam ex eo homi-  
num consilio non erat qui de bello & pace  
magnisque rebus ad regnum constituendū  
pertinentibus deliberant & discep-  
tant, de iis tamen à Rege frequenter sen-  
tentiam privatim rogatus, non minus sa-  
pienter quam liberè respondebat. Paucis  
ante mortem Regis mensibus, cùm ali-  
quot Cæsarianorum signis cum Alberto  
Brandenburgensi præfecto à Saxonum Du-  
ce interceptis Rex victoram amplificaret  
& propemodum eò inclinare videretur ut  
inita cum Germanis quibusdam societate,  
Cæsar is hostem se profiteretur, rogatus  
quid de his censeret, primò eam victoram  
ut exiguum & levem extenuare cœpit ve-  
luti inescantis fortunæ illecebram, mox  
Cæsare irritato, pestem & perniciem Sa-  
xoniæ Duci allaturam. Quod attineret ad  
societatem coëundam cùm quibusdam  
Germaniæ Principibus, non facile Regem  
eò animum advertere debere; cùm ipsi  
inter se parum concordes, & idcirco in-

firmi, præstare quod pollicerentur non possent. Deinde quòd sua commoda sequentes, quæ Cæsar majoris hostis ulcisciendi cupiditate illis facile concedit, non solùm societatibus initis renuntiare, sed etiam Cæsari conciliati se communes hostes Francorum illius auspiciis profiteri soliti sunt. Si totam belli molem à Germanis in Galliam avertere Rex veller, eam belli gerendi cum Germanis societatem coiret.

XLVIII. His vocibus sœpe incitatum Regis animum retardabat & ad majorem de rebus deliberationem suscipiendam adducebat. Verùm, ut jam diximus, de iis rebus quæ fori sui non erant, verbum nunquam ullum nisi à Rege privatim interrogatus & ferè coactus faciebat. Pro rebus verò ad religionem pertinentibus, pro pauperibus, innocentibus, afflictis, pro literis, pro scholarum publicarum privilegiis & immunitatibus, nihil non ultro ferè apud Regem suscipiebat & impetrabat. Itaque cùm urgente bello gravia tributa aliāque onera imperarentur, ubi eo ipso interprete ad Regem acceſſeramus quicunque literas profitebamur, horum expertes & immunes votorúmque omnium compotes revertebamur.

XLIX. Et quamquam contra novarum sectarum invulgatores auctoritatem

## 80 VITA PETRI CASTELLANI.

ecclesiasticam & quam appellant hierarchiam sacrosanctam tueri vellet, nunquam tamen quisquam inquis Pontificum Romanorum postulatis acerbius dicto scriptore restitit, nemo clavium potestatem arctius circumscriptis, & qua proportione cum Episcopis ceterisque Ecclesiae membris caput esset, subtilius definivit, quod non parvum illi odium aliquando apud summum Pontificem conflavit.

L. Idem illi quoque apud Theologos Parisienses propter Robertum Stephanum accidit, cum illum regio stipendio sua commendatione auctoratum contra illorum accusationem aliquando defendisset. Quem etsi ut vero crimine Lutheranæ sectæ, ita suspicione carere non arbitrabatur, quia tamen nunquam fore putabat ut aperte Lutheranismum profiteretur, propter singularem artis typographicæ industriam, qua ceteris omnibus præstare credebatur, cum eo moderatius agendum esse judicabat. Ante omnia probare non poterat quod Theologi libros sacros ab illo typis excusos, scholiis quibusdam, ut aiebat, illustratos, atque indicibus locupletatos, damnarent, & pro hæretis rejicerent, locis non indicatis è quibus id colligi posset, neque ulla ratione reddita cur ita judicarent, quodque linguarum imprimaria

ritia cùm vocabula in alium sensum quām ferret veritas torquerent, hæresim falsò subesse nonnunquam dictitarent. Valde enim insolens esse putabat tam gravem sententiam ferre de libris quamplurima recta & sana complectentibus, locis non notatis aut ratione reddita cur ita statuerent. Quam ad rem stabiendam cùm ex ipso- rum ordine vir sanè probatæ & laudatæ vi- tæ adduxisset illud è diyo Paulo, *Modicum fermenti totam massam corruptit*, in fre- quenti procerum aulæ regiæ confessu id non satis aptè eò adduci docuit. ad homi- num enim mores & convictum esse refe- rendum, ad libros autem nequaquam. Non enim ut pravus homo, quasi vitiosa pecus, facilè corruptit & depravat eos cum qui- bus vivit, ita sententia perversa in libris re- liquas pias & fanas labefactat. paucula er- rata compluribus eruditè & sanctè dictis compensata obeliscis transfixa ( quod in veterum orthodoxorum libris factitatum legimus ) caveri posse & cum delectu legi, ut alia permulta pia & religiosa maneant. Præterea liberalis, modesti, & docere non perdere cupientis videri, cur quidquam improbetur, rationem reddere. Postremò intemperanter esse abutentium otio & li- teris ex linguarum ignorantia præclaras utriusque instrumenti sententias à vero

## 82 VITA PETRI CASTELLANI.

sensu in pravum detorquere malle quam  
navata linguis ediscendis aliqua opera sta-  
tim in iisdem collineare & scopum attinge-  
re. Itaque auctore Rege faciendum esse  
statuebat ut quæcunque pravæ doctrinæ  
affinia aut erronea in his libris à Theologis  
judicarentur in unum collecta cum eorum  
dem animadversionibus & typis informa-  
rentur & ad librorum calcem adjungeren-  
tur. Quæ cùm aliquando liberè & per alios  
Theologis significasset, & coram ipse eo-  
rum delegatis dixisset, suspicionem vitare  
non potuit quin aliqua ex parte cum hæ-  
ticis sentire crederetur.

L I. Quam suspicionem multò etiam  
magis auxisset si quod se facturum Rege  
Boloniam obsidente receperat, aliquando  
præstitisset; nempe ut in religione com-  
municatis inter Germanos Gallosque ami-  
cè & benevolè capitibus controversis, ra-  
tio aliqua concordiæ iniretur. Ad Reges  
enim Galliæ & Britanniæ Legati Princi-  
pum Germaniæ cùm venissent, Boloniæ  
restitutionem & utriusque Regis concilia-  
tionem promittentes, & à Castellano con-  
tendissent ut per Regem suis aliquot sele-  
ctis liceret cum totidem doctis juxtâ &  
piis in Gallia viris concordiæ amantibus de  
rebus omnibus, in quibus à nobis dissenti-  
rent, conferre & communicare, ut demum

agnitis utrinque vitiis & erroribus, idem & unus optimus Ecclesiæ status constitui posset, non id quidem ille renuerat, imò se lubens ad Regem relaturum rem totam & illi probaturum promiserat, quando id cuius causa venerant perfecissent, hoc est, Boloniam Francis eruptam reddi curasent, & Reges conciliassent. Quod cùm illi præstare nequivissent, & re infecta domum rediissent, hanc quoque communicationem intermisserunt.

LII. Verùm cùm Cæsar paucis pòst interjectis mensibus Regem urgeret ut in Concilio universalí, quò hæresum semina omnia tolli possent, sibi adesset, & pro Rege Consiliarij ejus principes id jam Cæsari promisissent, Regem monuit Castellanus, qui se hujus legationis principem futurum intelligebat, videret quid susciperet, rem non esse levis momenti, & cuius exitus contemnendus esset. negotium fore primùm cum hominibus jam per annos quinque & viginti in literis sacris exercitissimis & in sua sententia ita obfirmatis ut vix ulla ratione ab ea deduci unquam posse viderentur, præsertim si à Theologis ingenia sua magis acuminibus quæstionum aculeatarum quàm eruendo germano Scripturæ sacræ sensu excolere solitis oppugnarentur. alias adhibendas esse machi-

F ij

## 84 VITA PETRI CASTELLANI.

na ut de his victoria reportari posset. antiquitatis & utriusque Ecclesiæ rituum, initiorum , progressuūmque , necnon exacta linguarum cognitione instructos esse oportere qui cum his in certaminis hujus campum descensuri essent. modestos & æquos potius quam spinosos, litigiosos, & pertinaces deligendos esse; quorum justum numerum reperire non ita proclive esset. Denique in Concilio & Pontificem & Cæsarem sua fortasse potius quam Christi commoda procuraturos & multa ipsi Regi adempturos quorum hodie jure quodam suo potestatem habere profitetur; quæ retinere & tueri, cùm eò descensum esset, neque integrum fore, neque se, quíque Regis jussu eo essent profecturi, animi conscientia victos fortasse defensuros esse. Eam ob rem videri sibi consultissimum ut priùs quam in hanc arenam descenderetur, docti, pij, & pacis amantes justo numero certum in locum convocarentur, de hisque rebus inter se disceptatores federent, aliquidque uno consensu statuerent, quo qui ad publicum Concilium mitterentur instructi & armati retundere adversariorum tela & quæ consentanea judicarentur tueri & retinere possent. Itaque regio jussu cum Theologis justo numero delectis doctisque aliquot

Græcè & Hebraicè viris Meloduni congressus , cùm quæcunque extant tum à Græcis tum à Latinis auctoribus de sacris rebus scripta evolvenda diligenter singulis singula attribuisset , & Ecclesiæ primitivæ veterissimque annalium memoria replicata rerum omnium controversarum veritatem è fontibus ipsis eruisset, quid de his statuendum , sequendum , & omnibus Christianis persuadendum , contraque hæreticos pro Ecclesia defendendum esset summis quibusdam capitibus , quibus eo in confessu omnes subscriperant , comprehendisset , omnia ad Regem retulit , & ut cum iis qui secum ad Concilium , quod indictum iri brevi videbatur , ituri essent communica-rentur persuasit . Magni enim ad ineundam , quam jampridem in Ecclesia quærimus , concordiam & ad id cujus postea pœnitere non posset semel statuendum referre putabat ut rebus controversis domi diligenter discussis & disceptatis , à certis ejusdem nationis hominibus eadem sentientibus in publicum Christianorum omnium velut theatrum prodiretur .

L III. Earum rerum hodie in Ecclesia controversarum , post varias in omnes partes in illo conventu disputationes , una & certa omnium qui aderant manu subscripta uno & quadraginta capitibus compre-

F iii

## 86 VITA PETRI CASTELLANI.

hensa sententia eleganter perspicue & bre-  
viter ab eo literis mandata est. Cujus sum-  
ma hæc capita sunt.

- |        |   |
|--------|---|
| I.     | <i>Quid Ecclesia.</i>   |
| II.    | <i>Quæ nunc vera Ecclesia.</i>                                |
| III.   | <i>Eadem de re catholica sententia.</i>                       |
| IV.    | <i>Veræ Ecclesiæ potestas.</i>                                |
| V.     | <i>De ministrorum potestate.</i>                              |
| VI.    | <i>De antiquorum auctoritate &amp;</i><br><i>Conciliarum.</i> |
| VII.   | <i>De culpa originali.</i>                                    |
| VIII.  | <i>De peccato originis catholica sen-<br/>tentia.</i>         |
| IX.    | <i>De justificatione.</i>                                     |
| X.     | <i>De justificatione catholica sen-<br/>tentia.</i>           |
| XI.    | <i>De justificatione in baptismo.</i>                         |
| XII.   | <i>De intelligentia fidei apud Pa-<br/>lum.</i>               |
| XIII.  | <i>Ordo præparationis ad justifica-<br/>tionem.</i>           |
| XIV.   | <i>Quantum sit fidendum inhærenti<br/>justitiæ.</i>           |
| XV.    | <i>Iustificatione possit esse absque<br/>præparatione.</i>    |
| XVI.   | <i>Quando quis beat se credere<br/>justificatum.</i>          |
| XVII.  | <i>De operibus caritatis.</i>                                 |
| XVIII. | <i>Ea de re catholica sententia.</i>                          |
| XIX.   | <i>De sacramento baptismi.</i>                                |

- XX. *De sacramento confirmationis.*  
 XXI. *De sacramento pœnitentiæ.*  
 XXII. *Confessionis emolumenta.*  
 XXIII. *De satisfactionis fructu.*  
 XXIV. *De purgatorio.*  
 XXV. *De jejuniis.*  
 XXVI. *De sacramento eucharistiæ.*  
 XXVII. *De communicatione utriusque speciei.*  
 XXVIII. *De privata Missa.*  
 XXIX. *Quæ in Missa privata aguntur.*  
 XXX. *Fructus Missæ ad quos pertineat.*  
 XXXI. *De veneratione sanctorum.*  
 XXXII. *De invocatione sanctorum.*  
 XXXIII. *De reliquiis sanctorum.*  
 XXXIV. *De imaginibus.*  
 XXXV. *De sacramento ordinis.*  
 XXXVI. *De cœlibatu sacerdotum.*  
 XXXVII. *De primario Petri & successorum loco.*  
 XXXVIII. *De indulgentiis.*  
 XXXIX. *De sacramento matrimonij.*  
 XL. *De extremæ unctionis sacramento.*  
 XLI. *Conclusio totius disputationis.*  
 LIV. *Quod cùm summus Pontifex parum approbaret, ut qui sedi apostolicæ & Concilio universali ejusmodi congressibus præjudicari arbitraretur, eaque de re cum Rege expostulasset, Pontifici regio nomine gravi oratione & luculenta respon-*

F. iiij

## 38 VITA PETRI CASTELLANI.

dit, probavitque non modò id publicæ Ecclesiæ & Concilij dignitati non obfuturum esse, verūm etiam ad controversiam tantam tamque longè & latè nimis odiosè graffatam aliquo fine circumscribendam aut decidendam prorsus necessarium. Quid enim boni ab eo hominum è diversis gentibus conventu sperandum esset qui & de rebus de quibus ageretur parum inter se fortasse convenienter & velut tyrones in exercitati in arenam cum iis hominibus descenderent qui jam tot annos continuos veterani in eam causam incumberent, & quod semel sibi persuasissent, ut claudus pilam, velut mordicus semper retenturi essent. Huc addebat quòd quamquam non omnia à doctrina defendendæ Ecclesiæ præsidia petenda essent, sed à præpotenti Deo & ejus sancto Spiritu, à quo in evangelio monemur ne solliciti simus quid Regibus & præsidibus respondeamus cùm ante eorum tribunal sistemur, eam tamen esse nostræ vitæ fœditatem, eam bonorum morum & veteris disciplinæ dissolutionem, ut nisi antequam in publicæ disputationis solum & pulverem prodiremus, non minùs de repurgandis inquinatæ vitæ fordinibus quàm de doctrinæ præsidiis accersendis inter nos consilium iniremus, frustra divini numinis auxilium expectaremus,

L V. Pari & prudentia & eloquentia  
primūm Pontifici & postea ejus nomine in  
postremo Concilio Tridenti indicto præsi-  
dentibus pro Rege & Clero Francico  
magna cum libertate respondit, redditis  
causis cur ad illud factiosorum quorundam  
conspiracyone non legitimè nec in Spiritu  
sancto convocatum Franciæ Episcopi non  
mitterentur, cur etiam per eosdem, prius-  
quam eò accederent, per singulas diœceses  
diligenti inquisitione sex mensium spatio  
facta, quæ in Ecclesia Gallica animadver-  
sione & correctione digna essent Rex cog-  
noscenda & ad nationis Francicæ conven-  
tum, priusquam ad universalem omnium  
Christianorum accederetur, referenda es-  
se statueret. Quod cùm acerbius & su-  
perbius quam Dei Vicario dignum esset  
accusasse Pontifex & de Episcopis non sa-  
tis summum in terris Dei Vicarium agno-  
centibus & reverentibus conquestus esse  
videretur, ea dicendi vi & libertate illi  
respondit uti postea moderatiorem se ali-  
quanto & humaniorem exhiberet. Cujus  
responsionis præcipua hæc capita fuerunt,  
magis illum ignorare quo loco Episcopos  
habere deberet quam hos quantum illi  
deferri & tribui oportet. Romanum enim  
Pontificem Episcoporum principem ita se  
debere profiteri ut non ordine, sed jurif-

## 90 VITA PETRI CASTELLANI.

dictione, eaque quae fori, ut loquuntur, extensi sit, superiorem eis intelligeret. Apostolis enim, in quorum locum Episcopi successissent, ex aequo dictum esse a Christo : *Accipite Spiritum sanctum. Quorum remiseritis peccata, remittentur eis; & quorum retinueritis, retenta erunt. Item alibi: Ite, evangelium docete omnem creaturam. & dedit eis potestatem spirituum immundorum, ut eos ejicerent, & morbos eorum curarent.* Et quamvis Petri principatus in evangelio non obscurè significatus videatur, his præsertim quæ scripta sunt Matthæi xvi. *Tibi dabo claves regni cælorum &c.* & Ioannis xxxi. *Pasce oves meas*, Petrum tamen inter ceteros nec interpellandi muneric commissi nec impediendi aut jus ullum habuisse aut exercuisse videri, quin etiam ita se principem gesisse Ecclesiæ ut inter ceteros in Ecclesiæ Concilio nihil solus aut præter ceteros definiret, expostulanti etiam Ecclesiæ de Cornelio comitibusque baptizatis responderet, atque ab Apostolo Paulo increpari, coargui, & jus idem vendicari patetur. Ergo Romani Pontifices, Petri successores, quibus etiam Episcopi ad majus unitæ Ecclesiæ robur dignitatemque & concordiam, Christi, qui ovilis Christiani pastor unicus & summus est, typo, principatum lubenter detulerunt, ceterorum

Episcoporum munera , dignitatem , au-  
toritatēmque administrationis non impe-  
dire aut infirmare debere , verūm ita se  
Ecclesiæ principes arbitrari ut legem Dei  
& verbum Domini nostri Iesu Christi,cum  
quo etiam universæ Ecclesiæ legitimique  
Concilij summum religionis & fidei & mo-  
rum judicium esse debet, supra se esse cog-  
noscant. Nam si verissimè à summis philo-  
sophis dictum est de legibus humanis sua  
sponte interituri, magistratum ceteris ,  
leges etiam magistratibus imperare debe-  
re, quid de his censendum esse quæ à Deo  
hominibus traditæ essent & ea conditione  
acceptæ ut cùm cœlum & terra elementa-  
que omnia interitura essent , hæ tamen fu-  
turæ essent sempiternæ? Itaque supra le-  
gitimum Concilium & justissimum con-  
ventum , cui se Dominus noster Iesus  
Christus pollicitus esset adfuturum , non  
modò Pontificem Romanum , sed ne an-  
gelos quidem esse judicari. A quo Concilio  
quicquid uspiam hæreret in Ecclesia vitij  
emendari , corrigi , castigari , corripi ne-  
cessarium esset, necnon singulis quibusque  
partibus & simul universo Ecclesiæ cor-  
pori prospici deberet , neque quæ in illo  
cœtu decreta essent ulla ratione solvere li-  
cere summo Pontifici , nisi de Concilij , id  
est , ipsius Ecclesiæ sententia. Insolenter

## 92 VITA PETRI CASTELLANI.

ergo admodum & ignoranter summum Pontificem facere, qui hos officio suo legitimè fungentes accusaret; indignè verò ne dicam impiè, qui omni sublato delectu & discrimine indoctos, sceleratos, nec prorsùs idoneos, legibus solveret, contra sacrosancta Conciliorum decreta sacrī initiaret, Ecclesiis præficeret, invitísque iisdem obtruderet, & veterem Ecclesiae disciplinam labefactaret. Petrum ejúsque successores sic à Christo principatum in Ecclesia accepisse ut reliquis Episcopis sollicitudinis & laboris sibi attributi partem obeundam relinquerent; quibus omnibus ita ea divina potestas non in eversionem, sed in ædificationem, concessa esset ut quemadmodum omnes qui ea abuterentur summus ipse Pontifex censuræ spiritualis imperio sacrī arcere & diris devovere posset, ita ab iis Concilio legitimo, cui subesset, coactis, si in Christi sponsa Ecclesia ipse præpostere versaretur, & hæreſeon fœdorūmque abusuum prodigiis tanquam incestis & adulteriis eam contaminaret, coargui, castigari, sua etiam de sede dejici, & pontificatus honore abdicari posset & deberet. Quæ capit is ad cor, jecur, & reliqua vitalia humani corporis membra proportio esset, eandem suam ad Episcopos omnes esse cognosceret; à capite sen-

tiendi, movendi, sapiendique initium & principatum esse; à corde verò vitalem vim, ut à jecore nutriendi, existere, ab iis & aliis partibus capiti regeri & refundi, sine quo consistere & principem dignitatem obtainere non possit. Idem de se summus Pontifex nisi intelligeret, exitiosum & perniciosum ejus pontificatum Ecclesiæ fore. Privatas autem doctorum & piorum hominum coitiones in singulis nationibus & diligentes de vita & moribus & doctrina populi sibi commissi per singulas dioce- ses cognitiones inquisitionesque ante Concilij universalis, ad quod omnia referri oporteret, celebrationem non solùm ex- petendas, verùm etiam, ut maturo judi- cio depravata corrigi & emendari possent, ut necessarias flagitandas esse. Non esse porrò alienum & abhorrens ab officio & veteri more Regum, quorum est Ecclesiæ majestatem sanctitatēmque tueri, ubi cef- fantes & inofficiosos Pontifices Episcopós- que vident, illos sui officij commonere, & ad Ecclesiæ labefactæ instaurationem hor- tari atque etiam renitentes & officium de- trectantes cogere.

L V I. Quam dicendi gravitatem & li- bertatem tantum abest ut assentandi & ad gratiam loquendi studio usurparet ut ea- dem, ubi res postulabat, erga Regem ip-

## 94 VITA PETRI CASTELLANI.

sum non minùs uteretur. Nam cùm ei  
ejus legationis Principi destinato quam  
ad Concilium quod futurum credebatur  
Rex Franciscus mittere statuerat , ipse sua  
jura , privilegia, Regúmque Franciæ præ-  
rogativas in Ecclesiis , quas farta tectas  
sibi servari cupiebat , commendaret , inge-  
nuè respondit suam se vitam & fortunas &  
omnia quæ Regi accepta ferret libenter  
cessurum & resignaturum esse , animi au-  
tem sui examen & conscientiæ intimæ ju-  
dicium ultimámque in constituenda reli-  
gione sententiam Deo & ejus Spiritui san-  
cto servaturum. Quod responsum etsi præ-  
ter spem accidit Regi , tam æquo tamen  
animo homo sapiens & æquus tulit ut pro-  
lixè dilaudarit & ad constantiam in sancta  
sententia retinendam hortatus sit. Memi-  
ni itidem cùm ante annos septem , urgen-  
tibus à Cæfare & Britanniæ Rege bellis,  
exhausto ærario , novarum rerum & Regi  
placendi cupidi quidam ei auctores essent  
ut iis omnibus qui in suo regno certam pe-  
cuniā sibi pensitarent , à Pontifice jeju-  
nij quadragenarij tempore potestatem ves-  
cendi carnibus impetraret , iis omnibus  
animo præsenti tanquam parum consenta-  
nea locutis restitisse , & præterquam quòd  
talis veteris disciplinæ mutatio pecuniæ  
causa suscepta sordida videretur , Regi di-

xisse frustra id à Pontifice contendi , per quem sine Concilio ejus decreti auctore relaxari & concedi non posset.

L V I I . Magna sunt quæ adhuc commemoravimus ; sed quæ si conferantur cum ultimis officiis quibus in morte Regem Franciscum prosecutus est , levia videri queant . Quem ut ancipiti morbo correptum vidit , de quo non satis prospera medici pronuntiarent , & vis ipsa morbi semper magis atque magis ingravescens promitteret , ad divinam opem misericordiam que implorandam ita convertit , ita noctes & dies lectulo ejus affixus sacrarum rerum mysteria explicando consolatus est , ut ad obeundum mortis vadimonium , velut ad suave balneum lautumve convivium , alacrem lætumque & morbi atrocissimi velut sensu vacuum reddiderit . Quanto verborum torrente & sententiarum gravitate ad pœnitentiam noxiarum in vita contractarum & animi accersendum medicum , à quo , cùm eas ritu Christiano confessus esset , expiaretur , eum incitavit ? Qua orationis suavitate simul & ubertate primū ad salutiferæ eucharistiæ , deinde ad sacræ perunctionis summæ obeunda sacramenta illum veluti divinitus admota face incensum deduxit ? Quanta porrò verborum tum dignitate tum copia Christianæ justi-

## 96 VITA PETRI CASTELLANI.

ficationis fiduciam in sacratissima Iesu Christi cruce inque sanctissimo ejus pro nobis expiandis & Deo conciliandis in ara crucis effuso sanguine collocandam esse illi persuasit? Quibus divinæ sapientiæ oraculis veluti satellitibus invictis munitum, & hostibus fidei nostræ impenetrabilem redditum, adeo felicitatis in cœlo piis animis destinatæ cupientem reddidit ut, spiritis tanti regni opibus, mortisque terroribus omnibus conculcatis, summis à Deo precibus contenderet sibi ut bona ejus venia ex hac statione, in qua ab ipso locatus esset, decidere, ex hac inquam misera vita ad illam cœlestem labis omnis & terrena contagionis expertem emigrare concederet. Extant orationes duæ funebres non minùs disertæ quam veræ post Regis mortem ab eo pronuntiatæ & editæ; ex quibus quam piè, sanctè, & Christianè ille suo fato functus sit, quivis cognoscere potest. Quam ultimam Regis in bene moriendo felicitatem, quæ omnibus in exemplum statui debet, ut primùm Dei beneficentiæ omnium bonorum auctori lubentes tribuimus, ita proximè Castellano monitori Dei certissimo instrumento regiam bonitatem ad salutaria flectere solito acceptam ferre debemus.

L VIII. Mortuum Regem duobus mensibus,

mensibus, donec humaretur, communem patriæ parentem sine simulatione eruptum professus eluxit. Quo toto tempore appa-  
ratu regio exequias celebrari, piis preci-  
bus per religiosos homines ejus animum  
Deo commendari, eleemosynisque in pau-  
peres erogandis Deum illi propitium &  
placatum reddendum curavit. Atque cùm  
permulti veteres Regis clientes, velut in-  
stante hyeme hirundines, avolarent, novi  
Regis gratiam aucuparentur, eos qui erant  
apud Regem prima auctoritate prehensa-  
rent, favorem novis rationibus captarent,  
ipse quiescere, silentium tenere, neminem  
ambire, in nullius familiaritatem & gra-  
tiam se insinuare, nulla alia re quàm pa-  
rentalibus & justis mortuo persolvendis  
occupatus esse, in squalore & luctu funeri  
perpetuò adesse; ubi illi rite parentatum  
esset, apertè præ se ferre se aula relicta ad  
ea sacerdotia quæ sibi commissa essent ad-  
ministranda profecturum. Quod consilium  
cùm non probarent ejus amici, quòd  
Margaretam Regis filiam lectissimam vir-  
ginem mœrore atque angoribus confe-  
ctam, lamentis & lachrymis deformatam,  
deseri posse non putarent, quòd Henrico  
Regi non minùs gratum eum quàm patri  
mortuo fuisset dicerent, quòd nondum  
satis ampla nec se digna, quæ certò spe-

G

## 98 VITA PETRI CASTELLANI.

rare debebat, & sibi & amicis consecutus esset, sic iis respondebat, à se parum auxilijs ad dolorem aliorum levandum expectandum esse qui ipse dolore opprimetur; quod tamen posset, tota vita Margaretæ omnia humanis majora promeritæ per literas, cùm abesset, & coram, si quando in suo episcopatu officio functus illi adesse posset, præstaturum. Regis verò de se judicium & propensam voluntatem non aspernari, sed ætates & studia disparia cùm essent, admoneri ut cum annis mentem mutaret, maturè receptui caneret, ad gregem sibi commissum evangelij pabulo reficiendum tandem aliquando animum adjiceret, se autem plura consecutum esse quam unquam optarit aut sperarit, iis facile contentum esse quæ jam haberet. amplas opes animi æquitate, non magnitudine earum aut numero, definiendas esse, non defuturum quoque unde amicis & de se bene meritis de suo consulere posset.

LIX. Itaque ea mente in aulam profectus ut Regis, Reginæ, & Margaretæ sororis regiæ bona cum venia Matrimonium ad obeunda digna Pontifice munia se recipere, hujus lachrymis, Reginæ precibus, & Regis imperio victus se fluctibus aulicis ad tempus, ut aiebat, resorberi passus est. Quod quidem alienum jam ætate & officio

VITA PETRI CASTELLANI. 99

ejus qui Episcopus esset, ut meritò à bonis viris & religionis amantibus improbari potuisset, si voto, ambitione, aut suo iudicio commisisset, ita quod unus ferè è tanto illustrium hominum numero, quibus Francisci Regis aula florebat, relictus sit qui virtutis doctrinæque singularis nomine eundem dignitatis, auctoritatis, & gratiæ locum apud novum Regem retineret, quem & ejus imperio relinquere, cùm maximè cuperet, vetaretur, non ad obscuram ejus gloriam pertinet. Et primùm quidem cùm eum Rex Delphino filio primogenito literis instituendo præficere vellet, cùm eam provinciam à suis rationibus, ut aiebat, valde alienam per amicos enixè deprecatus esset, & Petro Danesio, viro virtute & doctrina eximia prædicto, eam mandari curasset, ut quomodo Francisco vivo confuevisset, aulam sequeretur, à Rege jussus est.

L X. Accidit postea paucis mensibus ut è vivis excedente antistite Constantiensi, magno Franciæ Eleemosynario, in ejus locum, quo jam olim Rex eum dignissimum pronuntiaverat, ejusdem constanti judicio & jussu substitueretur; quem cùm detrectaret, quòd alienum homine literarum studioſo, quarum studia deserere nollet, id munus esse dictitaret, præclusis omni-

G ij

bus excusationibus obire à Rege jussus est. Quem honorem ubi sibi gerendum esse necessariò vidit, sic ad eum pro dignitate gerendum se comparavit ut statim, veluti signo elato, omnes homines ad bene sperrandum excitaverit. In primis ut quæ sui muneris essent cognosceret, archiva & chartophylacia, in quibus acta publica & vetustatis monumenta in Curia Parisiensi adservantur, diligenter exuti curavit. Quibus non contentus, sacris ceremoniis præfectos, Curiæ Præsides, regios in eadem procuratores & patronos, tum etiam rationum regiarum auditores & magistros in consilium adhibuit. Ex quibus cùm dicensset quæ sui essent officij, quæ sibi sacerdotia regio nomine conferenda essent, quarum rerum procuratio ad se pertineret, ea diligentia, fide, continentia, & disciplinæ domesticæ severitate omnia administravit ut qui honos antè eorum negligenter & secordia quibus mandatus esset penè obsolevisset & jacuisset, jam illustris exemplendescere & suo nitori lucique restitutus esse videretur.

L X I. Est enim is honoris gradus omnium ecclesiasticorum in Gallia facile princeps; quo qui donatus est, Regi è somno excitato inter primos salutatores adesse solet, & de eo cognoscere quo in

VITA PETRI CASTELLANI. 101

loco & tempore rem sacram peragi velit.  
Aulæ totius regiæ unicus Episcopus est.  
Quocunque in loco per totum regnum  
Rex versetur, ab eo sacramenta petere so-  
let. Sacello Regis ordinando, cantoribus  
eiusdem & sacerdotibus omnibus aulam  
sequentibus præest. Dispensatio regiæ in  
pauperes beneficentiæ & pauperum om-  
nium curatio ejus unius propria est. Ad  
ejus etiam curam pertinet per universum  
regnum iis omnibus pauperum peregrino-  
rum domiciliis quæ tum ptochodochia  
tum xenodochia appellant, atque etiam  
iis quæ lepra infectis olim à Regibus attri-  
buta sunt, administratores idoneos præfi-  
cere, præposteros & inutiles loco movere.  
Quæ si etiam ab aliis quam Regibus con-  
dita primùm, in eundem finem & censu  
dotata sunt, & præter conditorum & in-  
stitutorum mentem contraque æquum &  
bonum quid in iis geratur, ejusdem est  
omnem animadversionem ad se revocare,  
numerum leproorum aut aliorum misero-  
rum explere, ad referendas rationes omne  
procuratorum & administratorum genus  
cogere, corruptè, infideliter, aut socor-  
diter in suo munere versatos exigere, aliōf-  
que in eorum locum subrogare, omnia  
quoque sacerdotia quæ regiæ potestatis  
sunt, quæ plurima sunt, præter episcopa-

G iij

tus & abbatias, donare & conferre. Ad ejus quoque officium pertinet primo quoque Regis in oppida ingressu maleficos carceribus inclusos, regia venia eis concessa, laxare & liberos impune emittere. Quæ omnia, cùm superioribus temporibus ad questum conferri solita essent, aut valde segniter administrarentur, ad eam diligentiam severitatemque revocavit ut nullum leproorum pauperumque valetudinarium esset, in quod ipse ingressus, quo cibo potuque & quibus horis miseri reficerentur, quibus pharmacis & medicamentis curarentur, non accuratè exploraret. Ipse ad pharmacorum officinas & cellas vinarias culinásque accedere, non oculis solum, sed palato & lingua singula cuiusmodi essent experiri, beneficiarios ipsos & admissos valetudinarios cum magistris & administratoribus committere, quantus esset cuiusque loci redditus cognoscere, querimonias, expurgationes, accusationésque & defensiones audire, concordiamque inter dissidentes demum aut sarcire, aut per quos pertinaces, odiosos, & intractabiles stare videbat quominus ea sarciretur, relegare & tollere. Eorum locorum qui piis usibus destinati essent administratorem nullum creare nisi loci unius cuiusque indigenam ibidem larem & fun-

VITA PETRI CASTELLANI. 103

dum habentem, qui vicinorum bonorum virorum justo testimonio probatus & commendatus ad rationes referendas sponsoribus datis se obstringeret, quique pro administrationis præmio portionem fructuum nullam sibi indipiscens, caritatis Christianæ affectu eò aspiraret. Ita enim statuebat, neminem ibi officio suo functum, aut qui in loco procul diffito ageret, aut ex ea re lucrum quæreret. A cuius cupiditate ut etiam longius administratores abduceret, néve temporis progressu bona intervertere & sibi vendicare possent, non eos in totam vitam, sed in triennium duntaxat, rerum administrationi præficere meditabatur. Cúmque multis in locis patronorum magistrorumque tum incuria tum avaritia ædifica collapsa rimis fatiscientia & ruinam minantia, tum etiam possessionum censuimve majorem partem interversam & jam privati juris multorum factam esse cognosceret, ex edicto regio multa capita ad hanc rem pertinentia complectente cognitores & recuperatores dedit, qui omnia piis locis adempta & privatis attributa vendicarent, & iis locis quibus erant detracta redinsererent, quæve damna administrantium fraude quæque loca sensissent, de eorum, aut, si mortui essent, de heredum bonis æstimarent, &

G iiiij

parietinis instaurandis censuīve augendo quod æstimatū esset attribuerent. Et quoniam à primis plerisque eorum piorum locorum conditoribus certa clausula expressum & cautum erat ut certis è locis aut lepra infecti valetudinarij aut alioqui pauperes peregrini ad eorum bona perfruenda vocarentur, qua ratione fiebat ut multa propter majorem aëris salubritatem aut regionis fertilitatem miseris vacua essent, alia non pauca aëre caliginoso & corrupto solique sterilitate aliter affecta inopes quibus redundarent alere & sustentare non possent, hanc certam circumscriptionem eodem edito regio antiquari atque abrogari curavit; perfecitque ut si intra eos limites, quibus quæque loca à primis conditoribus erant circumscripta, non reperirentur, horum subsidiorum egentes & leprosi è locis vicinioribus accerserentur & numerum cuique loco pro censuum modo constitutum, donec è locis definitis alij offerrentur, explerent. Quod si ne hac quidem ratione numerus expleretur, non quidem ut proventus ad administratores pervenirent, sed & vicariorum suorum, quos ubivis locorum creaverat, judicio atque arbitratu in alias usus pios erogarentur. Atque etiam quod eadem vel administratorum vel patronorum rapacitate &

negligentia censibus ferè omnibus immi-  
nutis, interceptis, & aversis per singulos  
pagos usu venerat ut singuli suis leprosis  
tuguriolum temporarium extruerent, quod  
unà cum mortuo concremarent, permissa  
interim hac labe pollutis ostiatim emendi-  
candi potestate, ea consuetudine abroga-  
ta, quod & idem edictum complectebat-  
tur, perfecit ut magno aliorum bono, quos  
contagione corrumpebant, & supervaca-  
neo sumptu gravabant, intra publicas  
ædes, quas valetudinariorum administra-  
tores refecissent, retraherentur, & prohi-  
bita ostiatim mendicandi effreni licentia,  
eorum redditibus alerentur.

L XII. Regia autem omnia beneficia  
& sacerdotia possessoribus vacua sic distri-  
buebat ut ad clientes ejus & ministros nul-  
lum omnino perveniret. Quæ si liberæ  
conditionis jurisque essent, iis duntaxat  
qui regiis sacris erant addicti, sin autem re-  
ferendis rationibus obnoxia, & pauperum  
usibus attributa, nemini in gratiam cuius-  
quam, quantumvis à potentibus & princi-  
pibus commendato, sed iis duntaxat quos  
delineavimus, conferebat. Ita velut Vly-  
ses quidam Homericus adversùs gratiam  
atque omnem alium animi affectum aures  
obturaverat. Quo brevi factum est ut cùm  
permulti sua vulnera tangi & plagas cica-

trice obductas refricari atque gratiæ & flagitationibus omnia apud eum septa animadverterent, invidia atque odio stimulante ei apertè obtrectatores, clam inimici existerent. De quo cùm à me frequenter admoneretur, eam esse naturam virtutis & officij dicebat ut in disciplinæ veteris labefactione magna, principio præclara facta ingrata & odiosa essent; fore aliquando, rebus in meliorem aliquem gradum repositis, ut ab hominibus probarentur & sublata è medio requirerentur. Ceterū Deo & animi recti conscientia fretos non ex hominum sua commoda sectantium opinione pendere, nec admodum obtrectationes atque invidiam curare oportere. Quò etiam si respiciendum esset, scire se Regi, cuius unius judicium & voluntatem, ut Platonis Antimachus, multis millibus aliorum anteferret, pro insita illi virtutis admiratione & amore quod instituebat esse & semper fore gratissimum.

LXIII. In exercendo autem suo munere sic ad imitationem sui familiares suos, vicarios, scribas, & clientes, quorum opera utebatur, converterat, atque ad eam liberalitatem abstinentiamque deduxerat, ut ne pro conficiendis quidem rei cuiusquam, quantumvis magnæ, literis ullum nummum acciperent, procurationes,

administrationes, facinorum venias, visitationes, inquisitiones, ordinationes, judicia, omnésque jurisdictionis partes, atque alia omnia quæ ad hoc sanctum religiosumque munus pertinent gratis frequenter etiam magno suo sumptu & danno obirent, exequerentur, & peragerent. Pecuniam regiam pauperibus destinatam, non, ut antea, vagis mendicis & erronibus, qui passim, obſidentium modo, maxima turba magnorum Eleemosynariorum ædibus circumfundi solebant, minutim distribuebat, verùm iis qui pudore mendicitatem refugientes, rerum omnium penuria laborantes, aut adversa valetudine præpediti domi additi latebant; idque solùm iis in locis in quibus Rex tum temporis diversabatur. Itaque advocatis loci curionibus, sacerdotibus, magistratibusque, de iis cognoscebat in quos præcipue bene collocare beneficium posset. Sic statuebat, nihil reipublicæ esse magis pestiferum atque exitiosum quam eos publicè mendicantes ferre qui sani & valentes, cùm opus faciendo suis civibus usui esse possent, otio primùm & ignavia delectati, mendicitatis prætextu paulò post furarentur, latrocinarentur, rebus venereis animos explarent, & demum in omne flagitorum libidinumque genus sese ingurgitarent, exem-

plóque pravo disciplinam aliorum bene constitutam majorúmque instituta dissol- verent & labefactarent. Itaque hos , ubi oblati essent , averfari , propellere , iisque carcerem comminari , & apertè profiteri se ne teruncium quidem daturum esse. Contra verò ubi cognovisset ( sed gravio- ribus testimoiiis. nam nemo magis un- quam hominum hac in re insidias timuit ) in quos regia hæc pietatis plena liberalitas exerceri posset , non regiam pecuniam, sed & suam , ita profundebat ut unde familia aleretur statim ab amicis mutuò corrogan- dum esset. Itaque , ut jam diximus , hæc caritatis Christianæ subsidia in pauperes verecundos honesti studiosos ægrè se suámque familiam alentes , mendicitatis tamen hujus expertes , sœpiissime etiam in pauperes utriusque sexus in monasteriis re- ligionum professos , nonnunquam etiam virgines nubiles dote cassas , ut nuptum honestè elocarentur, interdum in captivos qui nec carcerum custodibus nec credito- ribus solvendo essent liberandos , confere- bat. Qui omnes , sed omnium maximè po- stremæ huic miseræ servituti addicti & mancipati , cùm longa carceris illuvie sor- dibúsque fœdati spe omni destituti , in lu- ctu & lamentis jacerent , facile humanita- tis sensu præditos ad sui commiserationem

VITA PETRI CASTELLANI. 109

commovebant. Quam ad rem cùm ordinaria Regis pecunia satis non esset, extra ordinem ordinaria majorem à Rege frequenter impetrabat. Quæ etiam cùm laxandis omnium vinculis non sufficeret, à proceribus aulæ Cardinalib[us]que & Episcopis aulam sequentibus viritim conficiebat. Qua ratione memini, quo tempore regia pompa & triumpho Rex Henricus Lutetiam ingressus est, in ejusmodi pios usus ultra octingentos aureos bidui spatio coegisse, eaque pecunia captivos omnes suam pauperiem sine dolo malo testificatos, carcerum custodibus creditorib[us]que vocatis, pecuniæ portione accepta, parte remissa, aut in aliud tempus ejus quod superesset solutione rejecta, acquiescentibus, liberos emisisse. Quæ cùm non minus diligenter quam piè & sanctè administraret, tum verò ea pietate & religione sacra templa aliisque loca religioni pauperib[us]que & adversa valetudine laborantibus recipiendis dicata obibat, ita in his degentes ad castitatem, modestiam, paupertatemque, & duros fortunæ sinistræ casus fortiter perferendos adhortabatur, ita gaudiis in cœlo perfruendis solabatur, ita pœnis & præsentibus & futuris sceleratos apud inferos manentibus deterrebat, ea liberalitate & regia & sua eos prosequeba-

## 110 VITA PETRI CASTELLANI.

tur, & sanctos eorum conatus se promotum promittebat, ita Opt. Maximique Dei promissis certissimis confirmabat, ut cum omnibus lachrymas ubertim expressisset, omnes optima spe præditos ad omnium laborum perpessionem religionisque studia magna alacritate obeunda inflammatos dimitteret.

LXIV. Vix verbis exprimi potest quantis sudoribus & molestiis operam derit ut mulieres, quæ Lutetiæ corpore vulgato quæstum meretricium fecissent, ex vitæ contaminatæ pœnitentia ad castitatem, bonam frugem, & religiosam vitam in monasterio profitendam conversæ, verè id quod profiterentur præstarent. Nam cum iis redditibus qui ad usus vitæ necessarios requiruntur destitutæ vicatim & ostiatim mendicare cogerentur, & ejus rei occasione sui copiam magno cum probro facere vulgo dicerentur, re prius diligenter multumque cum prudentibus bonisque viris communicata, illis demum multis rationibus, quamquam ægrè, persuasit ne monasterium semel ingressæ, cum hac ignominiosa boni nominis & famæ jactura per urbem in posterum divagarentur. In primis ex Regis ærario ingentem pecuniam summam, qua æs omne alienum quod contraxerant dissolveretur, impetravit. Dein-

VITA PETRI CASTELLANI. III

de in futurum iis hac ratione consuluit, ut  
lanificio, texendisque & acu pingendis  
aulæis, ceterisque ejus generis muliebri-  
bus operibus conficiendis, sumptus partem  
aliquam conficerent; reliqua justo earum  
numero sustentando necessaria ut aliunde  
partim ex regiis opibus, partim ex piorum  
locorum, quæ valde opulenta, pauperi-  
bus tamen vacua, censu majore quam ne-  
cessere esset redundarent, pro facultatum  
portione iis attribuerentur. Quod donec  
constitutum esset, & per Pontificem Ro-  
manum Regémque confirmatum, pecu-  
nia ostiatim & per singula templa ab iis  
ipsis colligi consueta per matronas sanctas  
& fideles caritatis & pietatis igne succensas  
cogeretur, & earum monasterio importa-  
retur. Id quia nec tantæ multitudini satis  
futurum videbatur, ex ea pecunia quæ reis  
damnatis & multatis aut alio caducario  
jure Regis fisco infertur, reliqua necessa-  
ria supplerentur. Quod opus pium san-  
ctumque certis hominibus tum Regis fis-  
cum exhaustiri profusis largitionibus im-  
probè querentibus, tum ceterorum loco-  
rum census contra primorum institutorum  
mentem aliò transferendos non esse di-  
ctitantibus, sœpius interpellatum morte  
præventus inchoatum imperfectumque re-  
liquit. Dum tamen vixit, quoad potuit,

## 112 VITA PETRI CASTELLANI.

ut in instituto semel suscepto castè continentérque intra sua septa vivendi constanter perseverarent, magna semper eas liberalitate, tum regia, tum sua, ita prosecutus est ut rebus ad vitam tuendam necessariis non destituerentur.

LXV. Eodem quoque caritatis affectu cœcorum trecentorum, quorum collegium divus Ludovicus Rex, post eam cladem quam in Africa trecentis equitibus cœcatis acceperat, Lutetiæ Parisiorum instituit, inopiam identidem sublevabat: quos etiam pauperes admodum, & multis miseriis pressos, & ex eadem mendicitate per regnum universum vitæ subsidia quærere majore ex parte coactos, si diutiūs ei vivere contigisset, beneficentia regia aliquando dotare & justis redditibus locupletare meditabatur.

LXVI. Vehementer quoque probabat & magna liberalitate prosequebatur ea puerorum utriusque sexus collegia quæ à civibus hujus urbis paucos ante annos magno reipublicæ bono instituta sunt; in quibus pecunia à privatis in commune collata pueri inopes, parentibus orbi, literas primūm & prima religionis eleminta, hinc varia pro cuiusque ingenio opifica vitae humanæ excolendæ necessaria magistris ibidem sumptu publico condu-

ctis

etis docti, operi faciendo ad adolescentiam usque aluntur. Quo tempore illinc velut è feraci quodam reipublicæ seminario in mercatorum aliorūmque opificum ædes, qui eorum inopiam antè suis opibus sublevabant, & velut pretium hujus institutio-  
nis persolverant, transferuntur.

LXVII. In peregrinos etiam varios  
huc è longè dissitis orbis regionibus profectos, ut Græcos, Asiaticos, Maurosque,  
& Æthiopes Christi persuasionem reti-  
nentes, ad suos, qui captivi à Turcis de-  
tinebantur, redimendos Christianorum  
opem implorantes, valde hospitalis & be-  
neficus erat; præcipuè si suam calamita-  
tem Patriarcharum suorum literis Roma-  
ni Pontificis diplomate comprobaris testi-  
ficarentur. Nec minore caritatis affectu in  
eos propendebat qui sacra loca & præci-  
puè sanctissimum servatoris nostri sepul-  
chrum religionis ergò adibant, vel ad  
alendos ab injuriisque Turcarum vendi-  
candos monachos qui ibidem certi tributū  
pensitatione excubant & religiosè sacrī  
operantur. Quibus omnibus, memor, cre-  
do, molestæ & præplexæ olim peregrina-  
tionis suæ, à Rege ingentem frequenter  
pecuniæ summam extra ordinem, fremen-  
tibus quæstoribus, conficiebat. Quòd si sa-  
cræ antiquitatis signum aut monumen-

H

tum , quod nobis ullum vetustum religio-  
nis mysterium repræsentaret , à Turcarum  
sævitia velut è luporum faucibus ereptum  
huc adferretur , venerabundus osculaba-  
tur , adorabat , & ad illud emendum sum-  
ma quantumvis magna Regem impelle-  
bat . Tribus antequam moreretur mensi-  
bus , pro virginis matris imaguncula lig-  
neis emblematis è sacra cruce in qua Ser-  
vator noster peperit exectis distincta ,  
Constantini tempore contra hæreticos  
imaginum oppugnatores ita artificiosè de-  
picta ut loqui & spirare eminus aspicienti-  
bus crederetur , eam rem promovente il-  
lustrissimo Cardinale Lotharingo , aureos  
mille Græco mercatori , qui eam attule-  
rat , numerari de regia pecunia curavit .  
Nam quamvis non in simulachris rebūs  
que externis , sed in uno Christi sanguinis  
effusi mysterio , spem fiduciāmque nostræ  
salutis collocandam esse censeret , externa  
tamen omnia alicujus sacri mysterij verita-  
tem nobis adumbrantia religiosè olim  
consecrata magna cum veneratione à no-  
bis retinenda & contrectanda esse judica-  
bat . Turcas vel Regi donatos , vel ab iis à  
quibus capti fuerant fuga elapsos , donec  
docendo hortandóque fidei Christianæ  
elementis imbuisset & sacramentis initias-  
set , nunquam quiescebat ; Christianismum

VITA PETRI CASTELLANI. 115

professos annuo Regis stipendio prosequendos aut honoribus ornandos procurabat. In castris sauciatos & vulneratos, aliósque fame, frigore, inedia, alióve morbi genere fractos debilitatósque ea sedulitate adibat, verbis solabatur, potu ciboque reficiebat, medicamentis curabat, opera, industria, oratione, pecunia se totum in eos effundebat, ut omnes tanquam sydus salutare eum adorarent, & Regi ipsíque ejus administro immortales gratias agentes, intrepidi nullum non discriminis genus adirent, ipse verò Rex, Principésque, & Duces tantam in eo caritatem liberalitatémque stupentes admirarentur.

LXVIII. Quoties Lutetiam veniebat, promiscuam mendicorum ubique hominibus occurrentium colluvionem, in valetudinariis publicis præpostera ãgrotorum tractationem, in aliis pauperum peregrinorūmque domiciliis focordiam sordesque conspicatus, vehementer accusabat eos quibus horum omnium procuratio mandata esset; neque audiendos esse putabat qui in populosa civitate tot undique confluentibus calamitosis provideri non posse dictitarent. Vehementer quoque improbabat quod eleemosynæ natum pervertentes, ex edicto regio in fin-

H ij

## 116 VITA PETRI CASTELLANI.

gula capita certam pecuniam in pauperum usum persolvendam imperarent, & quasi vectigal & tributum regium esset, pignoribus ablatis, ad persolvenda imperata cogerent. Abundè enim consultum iri pauperibus dicebat si certi homines non minore gravitate & constantia quam fide & prudentia magistratum potestate prædicti deligerentur, qui mendicos ex professo mendicam vitam instituentes & hinc malorum omne genus invehentes ejicerent, pervicaces, nec dicto audientes, virgis cæsos carcere plecterent, iisque in aliorum exemplum graviora comminarentur, reliquos verò valentes & vigentes resedes & otiosos esse non paterentur, ad opera publica facienda, quæ sumptu publico excitarent, si deessent privata, cogerent, operi faciendo ineptos nec idoneos, ut ægrotos, mutilos, decrepitos, nutrirent, pluribus liberis gravatos quam quos labore quotidiano alere possent aliquo supplemento adjuvarent, peregrinos, nisi qui pauperes essent, & propter certum negotium aut religionis ergò domo abessent, non ultra tempus illis è rei ipsius necessitate definitum in sua civitate versari paterentur; pecuniam verò horum usibus dispensandam hoc modo colligerent, singulas omnium ordinum familias tertio quoque mense adi-

rent, quantum in trimestre in pauperum sustentationem & caritatis officia elargiri vellent sciscitarentur, & in publicum commentarium referrent; exacto trimestri, eodem reverterentur, rogaréntque num fortunis auctis deterioribúsve factis addere quid primæ summæ aut de eadem aliquid detrahere vellent. Ita confecta cujusque trimestris initio ratione summa, viderent quantus numerus pauperum & quantum in singulos distribuendum esset. Ita futurum dicebat ut homines, qui commiseratione Christiana ad hoc munus caritatis invitandi non civili exactione cogendi sunt, cùm vagis istis erronibus paupertatis specie pestem frequenter & vitiorum omne genus importantibus sublatis, quàm probè veris pauperibus consultum esset, viderent, sinus omnes liberalitatis laxarent, & suas opes certatim juvandis pauperibus profunderent. Huc addebat, ut quæ pauperum peregrinorūmque receptacula hac ratione vacua manerent, meliorē suorum reddituum partem publico huic pauperum ærario inferre cogerentur. Cur enim quæ dispensanda pauperibus olim à viris piis legata sunt Episcopi, Canonici, ceterique locorum patroni aut intervertebant, aut suis mulionibus, cocisque, & lenonibus fruenda conferrent? Accusabat

H iij

frequenter & conqueri satis non poterat  
quod in iis valetudinariis aliisque domici-  
liis pauperum peregrinorum leprosorum-  
que alimentis atque ægrotorum curationi  
destinatis proventuum bona pars in sacri-  
ficos magno numero precibus canonicis  
decantandis operantes profunderentur.  
**Q**uorsum enim, religionis obtenta specie,  
hac inducta Deo preces decantandi pau-  
peribusque succurrendi confusione mis-  
eriorum conditio deterior redderetur? Ac-  
cusabat & hoc quoque graviter, quod in  
iis valetudinariis eodem temporis articulo  
omnibus veluti sanis & valentibus cibus  
idem insuavis ferè & concoctu difficilis  
sine ullo delectu & discriminè omnibus  
ministraretur. Cur enim de vita pericli-  
tanti non lautius aliquid & seorsum, &  
tempore quo deferbuisse vis morbi videre-  
tur, à peritis hospitalibusque exhibeatur?  
**Q**uod si quibus pauperum ægrotorumque  
administratio commissa est hanc curam  
provisionemque adhiberent, futurum esse  
ut omnes homines & in vita Deum deme-  
reri cupientes, & condendo testamento  
de emigrando ex hac vita cogitantes, quæ  
olim cœnobii in quibus homines votis re-  
ligiosis se consecrarent attribuebant, ea  
omnia ad hanc pauperum, peregrino-  
rum, leprosorum, ægrotorumque cura-

tionem & alimenta converterent.

LXIX. In reformando Pontisarenſi  
valetudinario, quod à divo Ludovico Re-  
ge conditum & non exiguis redditibus do-  
tatum esse conſtat, ſuæ continentiae &  
gravitatis præcipuum ſpecimen dedit.  
Quod cùm nobilis feminæ administratricis  
duorum monaſteriorum antiftitit negli-  
gentia à veteris disciplinæ ſeveritate mul-  
tùm recessiſſe compertum eſſet, & à Rege,  
ad quem querimoniæ deferebantur, ei  
emendando & instaurando operam dare  
juberetur, ab iis verò qui plurimum apud  
Regem & gratia & auctoritate valebant  
rogaretur ut veteri antiftite abdicata,  
aliam, quam proponebant, in ejus locum  
ſubrogaret, eam ſententiam tulit quæ ve-  
ro conſentanea, omni odio & gratia va-  
cua, omnibus qui deinceps rem ejusmodi  
ſucepturi ſunt ad imitandum proponi de-  
bet. Antiftitem veterem, à qua petulan-  
tia muliebri impotenter appetitus erat, à  
Franciſco Rege institutam, ne & odio ſuo  
indulgere & Principum aulæ gratiam fe-  
qui videretur, non abdicavit, ſed repreffā  
vitæ ipfius & veſtaliū altari & ægrotis  
miniftrantium effreni licentia in bien-  
nium, intra quod administrationis ſuæ ra-  
tiones referret, omni redditu fructuque loci  
privavit. Quo exacto, rationibus relatis,

H iiiij

## 120 VITA PETRI CASTELLANI.

in ipso cœnobio communi cum reliquis virginitibus victu & tecto uteretur, néve eas ædes quas excipiendis amicis & hospitibus ex aula, cùm apud divi Germani fānum esset, eò convolantibus extra virginum septa ædificaverat, frequentaret, néve fructuum proventuūmque domus administrationem exerceret, sed moribus duntaxat & disciplinæ vestalium ægrotisque alendis & curandis præesse jussit. His addidit ut expensi & accepti rationes à dispensatore domus tractarentur; à quo coram ipso Eleemosynario, Vicariis ejus, & gravibus tribus civibus curationi domus ab ipso præfectis referrentur. Quia in domo ordinanda & instauranda cùm maximo suo sumptu menses duos consumpsisset, & de suo etiam in eos quos ad eam rem plurimos advocaverat inque pauperum usus largiter expendisset, de proventibus tamen domus nunquam quicquam attigit, neque ex tot tantisque impendiis vel tantillum regiarum eleemosynarum rationibus intulit.

L X X. Quo tempore cùm primæ nobilium classis vir Rupipotius equitum magistri frater antistitem uxoris suæ, ut aiebat, propinquam defensurus eò venisset, & asperè Castellanum nimiæ severitatis accusaret, cùmque in aliis vindicare quod in se admitteret criminaretur, cùm sacerdo-

tia & ipse minimum quatuor teneret, quæ, si recte & ex officio ecclesiastico vivere vellet, uno excepto, quod præsens administraret, omnia dimitteret, postquam satis diù vociferantem in hunc modum tulisset, ea gravitate & facundia de suo officio & discrimine sacerdotiorum & valetudinariorum reliquorūmque id genus piæ largitioni destinatorum locorum differuit ut in instinctu quodam divino verba fundere credi posset. Et primò se non ignorare neque inficiari quin magis cum pietate coniunctum & è dignitate Christianæ religionis futurum sit, si per se, non per Vicarios, Episcopi, Curiones, & reliqui sacrifici sua munera singula impleant, quod tamen hoc tempore fieret, ut soluti legibus aliqui plura sacerdotia possiderent, à Pontifice Romano clavium potestatem ab Apostolis per manus traditam habente certis de causis legitimè & citra impietatem concedi posse arbitrari. Quòd si per Vicarios non satis idoneos ea administrarent, aut fructus ex iis perceptos in alios usus quam qui à Deo præscripti sunt converterent, & Romani Pontificis indulgentia atque Ecclesiæ auctoritate ad suas libidines abutentur, malæ administrationis aliquando Deo rationem reddituros & gravissimas pœnas daturos. Ceterūm donec per Con-

## 122 VITA PETRI CASTELLANI.

cilium aut aliam Ecclesiæ auctoritatem in eo Romani Pontificis potestas esset abrogata , ad nullum alium quam Ecclesiæ tribunal negligentes & inofficiosos sisti , neque è pluribus ullum aliquod iis adimi posse , si aut per se aut per alios munere aliquo , cuius probabilis ratio reddi posset , fungentur . Quod si flagitosè Ecclesiarum census & in alios quam pietatis usus profunderent , soli eos Deo peccare , neque ut hominibus rationes accepti aut expensi referant astringi . Et quamvis hominum ecclesiasticorum sit bonam suorum fructuum partem in pauperes largiri , non tamen si in eo illiberalitatis convincantur , ad censum nequiter expensorum restitutionem ab ullo mortalium cogi posse , quando primorum institutorum mens & voluntas hæc fuerit ut quibus hæc administranda mandarentur , decantandis Deo precibus & populo religionem docendo vacarent , arbitriamque & liberam redditum administrationem haberent . Valetudinariorum autem & quæ tum ptochodoxia tum xenodochia appellant longè aliam esse conditionem ; ea miserorum & corpore male affectorum usibus esse attributa ; quorum census qui aliò converterent , veluti furti convictos ad restitutionem bonorum interversorum cogi & omni administratione ab-

dicari debere. Liberas esse & perpetuas sacerdotiorum administrationes , horum temporarias , & referendis rationibus obnoxias , ex quorum fructibus nihil ad ipsos administratores redeat. Se quidem vehementer optare ut hæc levissima indoctis & inertibus plura sacerdotia mandandi ratio , & per indignos Vicarios eadem administrandi intolerabilis abusus , aliquando corrigitur. Quod ubi Dei miseratione contingit , se libentem & ex animo inter primos dicto audientem futurum. interim quod sui muneric effet , qui per universam Galliam vicaria Regis potestate leprosorum , pauperum , miserorumque domicilia & valetudinaria omnia ab omni hominum injuria vindicare , omni rejecta intercessione , deberet & posset , ea se adjutore Deo non segniter procuraturum & asserturum. Quæ cùm in hunc modum , multis astantibus , differuissest , qui eò iracundus admodum , voce minaci , vultuque truculento Rupipotius accesserat , tam æquus , lenis , & placatus discessit ut Castellano , à quo multò eruditior recederet , gratias immortales ageret , & quod ineptè & barbarè quæ ignoraret , ab uxore incitatus affinitatis studio , ipsum optimum & doctissimum hominem , sus , ut aiunt , Minervam , docere conatus effet , veniam deprecaretur.

LXXI. Paucis verò antequam illinc discederet diebus advocata sacratarum virginum concione , ea vi eloquentiæ rerumque & sententiarum è sacris literis de promptarum tum gravitate tum copia de virginitatis , caritatis , & misericordiæ officiis mundique contemptu nobis præsentibus differuit ut omnes sese humi afflentes , maximis singultibus & suspiriis editis , sua pectora pugnis contunderent , & maximam vim lachrymarum profundentes se longè aliter quam superioribus temporibus officium facturas profiterentur. Quo in genere concionandi & ad pietatem religionemque cohortandi ita multifariam instructus erat ut quocunque ingrederetur , ex tempore , locis , personisque , & earum instituto aptas & congruas orationes haberet , quibus singuli in suo quique genere valde sibi placebant , & suæ vitæ institutum sacris literis præcipue probari & Deo gratum esse sibi persuadebant. Ad virgines incontaminatas & virilis congressus expertes accedens , iis laudibus virginitatem extollebat ut qui eam animo puro & casto propter Deum coluissent , supremis divinorum spirituum ordinibus infereret. Ad virum aliquando passas , sed vitæ contaminatæ tædio in monasterio castitatem professas , ingressus , cùm fœditatem ve-

neream gravissimis verbis insectatus esset, ea verba de resipiscientia & pœnitentia fundebat, ea è sacris literis exempla & testimonia ad laudem ejus vitæ ad pudicitiam sanctam conversæ adducebat, ut quæ prima oratione capillo passo humi consternatae & pectora pugnis acriter tundarent, faciem unguibus deformarent, & lamentis atque ejulatibus omnia complerent, oratione postrema ad se revocatae, manibus ad cœlum versis, Deo gratias agerent, se longè felicissimas prædicarent, & in suscepto vitæ instituto constanter perseveraturas iterum atque iterum vovent. Eodem modo cùm viduarum collegium ad Sequanam, non procul à loco qui ab arenis vulgò Gravia dicitur, situm inviseret, iis laudibus castam modestamque viduitatem ad cœlum efferebat ut cùm illæ propter modestiam nullum aliud religiosum vitæ genus improbarent, hoc unum tamen potissimum esse salutare crederent.

LXXII. Hæc tanta tamque varia cùm ministeria obiret, totque negotia multis molestiis implicata expediret, vetera tamen & usitata officia nunquam intermittebat. Ad Margaretam Regis forrem nihilo seciūs, atque etiam ad Reginam ipsam, quod & veteri laborum suorum

## 126 VITA PETRI CASTELLANI.

pensò adjecerat , quotidie fere adibat, cùmque iis de religione , de literis , & optimarum artium studiis aliquid communicabat. Nec tamen privata studia , neque hymnorum , psalmorúmque , & reliquarum sacrarum precum quotidianam recitationem lectionémque intermittebat. Ad hæc , Regis lateri , cùm rem sacram faceret semper , plerunque etiam cùm pranderet inhærens , de rebus honestis ad literas aut religionem pertinentibus sermonem faciebat , aut pro miseris quamplurimis , præsertim qui Regi Francisco olim inservivissent , assiduus flagitator supplicabat. Quo deprecatore cùm plura quām alio quovis per Regem multis donata & concessa regiæ gratiæ atque indulgentiæ codicillis illata inveniri primæ auctoritatis & nominis viri apud Regem ipso præsente conquesti essent , ipse honesti conscientia fretus , nec minūs animo forti quām ingenio prompto præditus , ecquidnam pro fratre , consanguineis , propinquis , domesticis , & familiaribus se flagitatore à Rege impetratum , ecquid unquam quo ipse ditescere aut suos locupletare posset postulatum legissent , statim interrogavit. Quos cùm arridente Rege silentes intueretur , subjecit se non negare quin Regi pro bonis viris , innocentibus , miseris , &

calamitosis, præsertim qui reipublicæ & Regi ipsiusque vita functo parenti olim operam navassent, citra ullum suum privatum commodum sœpiissime supplex factus esset. se semper id sui officij esse existimasse. quandocunque Regi aliter visum esset, aut quando se illi fore molestum cognosceret, lubenter hoc omne petendi & Regem multis de rebus ad hanc piam liberalitatem pertinentibus commonendi munus desitum esse. Quo audito, statim Rex ipse subjicit quod ageret eiffetque sibi esse vehementer gratum, sibi ejus prudentiam, fidem, & abstinentiam ita esse notam ut nihil nisi valde honestum & reipublicæ salutare ab ipso postulari posse certò crederet.

LXXXIII. Quod humanitatis officium cum denegaret nemini qui regio beneficio non indignus videretur, ea tamen animi constantia à muneribus, quibus suam fidem tentari querebatur, abhorrebat ut si à quoquam qui aliquid à Rege impetrare vellet sibi quid promissum aut oblatum esset, omne illi officium statim denegaret, eumque postea tanquam tetrum aliquem genium aversaretur. Quam ad rem quod Francisco regnante hisce oculis usurpavi non verebor huic sermoni inferere. Canonic Ecclesiæ regni totius primariæ variis

litium molestiis in tot tantisque quas habent possessionibus implicati, ut ab eo judicium Parisiensium tribunal quod nomen à libellis supplicibus habet, quod domesticis Regis officialibus solis concessum est, jus petere sibi liceret à Rege Francisco obtainere cupiebant. Id enim ad suas controversias citò finiendas magnopere referre arbitrabantur, quod & è longinquieribus regionibus in jus sibi ut commodum ita adversariis incommodum vocarent, & in eo confessu in quo controversiae, propter exiguum earum numerum, citò finiuntur, litigiosis tergiversandi, moras necendi, & sinuosos labyrinthos struendi facultatem adimerent. Cumque ejus rei gratia ad Castellanum supplices accessissent, quo deprecatore id facilè obtineri posse, propter eam qua florebat apud Regem gratiam, considerent, facilè responsum ab eo quale optabant tulerunt, donec annulum quendam aureum, cui adamas nitidissimè splendens amplæ magnitudinis artificio vetusto inclusus erat, explicatum illi obtulissent. Quem ubi aspexit, quod ad se venisse eos diceret tanquam ad hominem fidei venalis avarumque & corruptum, cum alia longè persuasione quam initio putasset gravissimè objurgatos dimisit, neque se unquam pro ipsis verbum ullum

ullum facturum esse satis iracundè profēsus est. Similiter iisdem ferè temporibus Trapezitam pecuniosissimum , sibi alioqui vehementer carum , à se rejicit , cùm ad rationum quarundam , quibus Regi obstrictus erat , reliqua expungenda arculam ei ex jaspide duobus aureorum millibus & amplius æstimatam dono attulisset. Quam ejus barbaram humanitatem ( ita enim loquebatur ) tam graviter tulit ut non modo pro eo apud Regem non intercesserit , sed multis annis postea eum ne aspicere quidem dignatus sit. Quòd si ab iis qui nihil tale se patrono aut oratore à Rege impetrare cupiebant aliquid vel artificio vel materia vel utroque præcipue visendum & præstans offerretur , & munus ipsum eorum nomine Regi offerebat , & qui derant eidem commendabat. Si autem ejusmodi erant munuscula quibus donantium fortuna deterior fieri non posset , & amici erant quidonabant , non erat tam expers humanitatis & liberalitatis , nec cornea , ut ait ille , fibra , quin animo grato acciperet , & aliis vicissim munieribus illos remuneraretur. Usque adeo pecuniæ contemptor & honesti religionisque amans erat ut cum è sacerdotiis tribus , quæ obtinebat , Francorum millia sexdecim accipere potuisset , si eorum census annuos

prophanis redemptoribus elocare voluisset, nunquam id, quod parum religiosum esse judicaret, magno cum rei suae familiaris detimento admittere voluerit. Nam cum ea per suos domesticos administrari vellet, quorum alij ejusmodi administrationis vel non satis periti vel oculo herili procul segnes rem male gererent, aut fidei non satis integræ partem aliquam fructuum interverterent, aut de alieno quam de suo liberaliores in res non valde necessarias domini censum profunderent, vix e tribus illis Francorum millia septem quot annis accipiebat. Et quemadmodum natura iracundior atque etiam severior erat, ita à vindictæ cupiditate & exercendis iniuriciis usque adeo abhorrebat ut ad eos cum quibus sibi aliquid dissidij intercessisset ultro accederet, & precanti similis cum illis in gratiam rediret, iis etiam à quibus vel graviter offensus & violatus esset, culpam agnoscensibus aut se excusantibus benefaceret, eosdémque apud Regem tueretur & protegeret. Id cum exemplis multis notum omnibus & testatum facere possem, unico, brevitatis causa, contentus ero.

L X X I V . A Bigotio Gorgiam quendam in vicis & quadrixiis profitente ita privatim & publicè lacestitus convitiis-

VITA PETRI CASTELLANI. 131

que appetitus fuerat, & scripto apud exteris traductus, ut meritò eum odio prosequi posse videretur. Nam & Philippum Melanthonem calumniis ita illi infestum reddiderat ut is nimirum credulus & facilis ea de ipso scriberet quæ nos, propter publicam literarum causam, non sine gemitu legere poteramus. Nempe Castellanum ex eo calumniatorum esse genere qui, invidia concitati, mendaciis confictis bonas causas apud Reges oppugnarent & deterriores redderent. Argumento esse Bigotium, quem ille philosophia Aristotelica præstantem, ne sibi & suæ gratiæ obesseret, eum odiosum Regi reddere meditaretur. Aristotelem, quod laudato paucorum & populi principatu unius imperium improbasset, apud Regem graviter criminatus esset. Quod totum cum esset vanissimum & à Castellano Aristotelem amante & admirante alienissimum, nec minus improbe à Bigotio confictum quam à Melanthonem leviter literis mandatum, Bigotium tamen postea in gratiam receptum Regi commendavit, atque illi quæ à Rege petebat apud Nemausenses impetravit.

LXXV. Sed ut unde sumus digressi revertamur, cum ad perfectissimam quandam speciem, quam animo inclusam omnibus hominibus re ipsa spectandam exhibe-

## 132 VITA PETRI CASTELLANI.

bere cupiebat , magni Eleemosynarij munus revocaret, eòque tanta diligentia , industria , labore incumberet ut brevi propter summam auctoritatem & gratiam voti compos futurus videretur , angebatur plurimum quòd cùm hujus rei causa nunquam ferè aula abesset , boni pastoris munus apud oviculas suæ fidei commissas implere non posset. Quò adeundi cùm ægerimè veniam à Rege impetraret , frequenter optare solebat ut ea disciplinæ ecclesiasticæ morumque ordinatio Dei miseratione contingereret , ut qui Ecclesiis præsunt , præsentes eas administrare cogentur. Quòd si qui essent quorum ministerio assiduo Rex carere non posset , eos ipse suis opibus , non Ecclesiarum censu & pauperum bonis , aleret. Id cùm in tam desperato rerum omnium statu non esse sperandum aliquando eum admonerem , fratri ejus & clientum rogatu orare enixè cœpi ut quod interim unicum huic malo remedium videbatur , alium episcopatum non procul ab iis locis situm in quibus Rex plurimum versari consuevisset , Matisonensi relicto , quæreret. quam ad rem cùm Aurelius scholæ juris celebritate & civium honestorum frequentia ornatissimus , in regni medio situs , & iis locis vicinus quibus Rex delectaretur , admodum apposi-

tus videretur, quo propter has ipsas causas diversa omnia sectans, qui obtinebat, se abdicare cuperet, magnis eum & importunis precibus demum impulimus ut resignata abbatia Belloperticensi & Matisconenensi pontificatu Aurelium obtineret.

LXXVI. Quo tempore cùm propter inimicitias, quas iniquè nobiscum Romanus Pontifex exercebat, esset à Rege prohibitum ne quis pecuniam ullam è Gallia Romam asportaret, sine qua bulla pontificia regiæ renuntiationis confirmatrix Roma frustra speraretur, nollètque homo disciplinæ ecclesiasticæ observans nisi Romani Pontificis auctoritate in ejus possessionem mitti, certo extra ordinem privilegio à Rege impetravit uti necessaria ad eam rem omnia diplomata Roma petere sibi liceret. Quæ ubi Romæ peti cœpta sunt, Romanos argentarios ex earum rerum nundinatione magna commoda capientes lætitia non aliter incessit quām quibus post longam obsidionem inedia pressis magna frugum omnium copia pulsis hostiibus importatur. Etenim viri tantæ auctoritatis exemplo apertis, ut sperabant, pecuniæ Gallicæ fontibus, quibus per trimestre regio jussu obturatis suos rivos propemodum exaruisse ingemuerant, quasi nova quædam lux post densas diuturnas-

134 VITA PETRI CASTELLANI.  
que tenebras de cœlo repente affulsiſſet, inusitato gaudio non efferri & serio triumphare non poterant. Ipſe etiam ſummus Pontifex & totus purpuratorum patrum ſenatus ex eadem re non parum recreati ſunt, quod per clariffimum virum Regi. que valde gratiosum, tanquam aperta fe- neſtra, futurum ſperarent ut brevi totum Franciæ regnum Ecclesiæ Romanæ au- ctoſitatem, ut antè conſueverat, ample- cteretur. Ita quatuor ferè aureorum milli- bus Romam miſſis, citò & facile diplo- mata impetrata ſunt. Iis in poſſeſſionem ingreſſus, quo tempore Rex expeditionem Germanicam fuſcepturus ex Ambacia per Aureliam iter faciebat, cùm ad fines Au- relij epifcopatus eum deduxiſſet, ad ſui po- puli mores doctrināmque & de religione per- ſuasionem cognoscendam, emendan- dam, atque in gradum reponendam duos mēſes ab eo impetravit. Sic igitur ab au- licis occupationibus liber, doctrinæ & vi- ta ſui populi cognitionem instauratio- nē- que à capite, hoc eſt, à ſacerdotibus exorsus, eorum qui nullam certam statio- nem habentes, velut errones circumfora- nei, Miſſas undiquaque auſcuparentur, tan- tum numerum intra dies quindecim epif- copatus ſui finibus exegit ut ex iis justus propemodum exercitus cogi poſſe videre-

tur. Quibus exigendis hanc tamen moderationem adhibuit ut cùm eos interrogatos, literarum omnium ignaros, omnium sordium maculis infames, nulli certo homini aut loco auctoratos, mercedula se veluti venales ad sacra obeunda obtrudere didicisset, singulis ad remigrandum in patriam pecuniam, quanta ad iter conficiendum satis esset, distribueret.

LXXVII. In hac meditatione, cura, omnibusque officiis quæ boni Episcopi propria sunt cùm ita versaretur ut etiam frequenter ad populum de religione verba faceret, semper docendo, adhortando, corrigendo, meditando, scribendo, dictando ita occupatus esset ut ad somnum & quietem vix duas horas, ad cibum autem capiendum vix unam idque serò sub multam noctem sibi concederet, corpore nimia inedia debilitato & importunitate assidue laboribus fracto, dum ad populum concionaretur, in morbum violentum, quo statim interiit, prolapsus est. Morbus paralysis, quæ statim in apoplexiā conversa est, fuit, qua latus sinistrum primò, deinde dextrum fluxione obstupefactum, omnis motus vi orbatum est. Deinde & nervi linguam & pectus moventes resoluti respirationem ita intercluserunt ut nihil proficientibus remediis à medicis tribus

adhibitis, ante triduum suffocatio secuta sit. Optima corporis constitutione & natura morbis minimè obnoxia præditus erat. Vnde facile creditum est vivere potuisse si iis auxiliis quæ ei morbo profligando idonea & efficacia sunt usus fuisset, nempe si validis clysteribus alvus statim dejecta, aperta vena, sanguis missus, & vigilando, ciboque & potu aliquantisper abstinendo, variis frictionibus & linimentis ad ignem partes affectæ illi exercitæ fuissent. Quorum omnium à medicis nihil propemodum administratum est. Nam & cœnare morbo correptum & somnum capere permiserunt; & cùm omnia quæ à nobis enumerata sunt prætermisissent, nihil ei præter pillulas quasdam per noctem deglutiendas præscripsérunt.

LXXXVIII. Morbi causam frigidam pituitam in ventriculis cerebri redundantem ex vigiliis intempestivis, quibus libris affixus se conficiebat, laboreque immoderato, & victus ratione non admodum consentanea, extitisse credi potest. Nam cùm nocte concubia somno excitatus in horam decimam immobilis commentatur aut legeret, & reliquum diei, varia negotia sine ulla intermissione obeundo, in horam propemodum quintam cibo abstinens transmitteret, homo natura alio-

qui biliosus, stomachum fame latrantem non poterat non graviter offendere: qui cùm alimenti inopia, vitiosis humoribus undequaque contractis, occupatus & obtusior redditus, cibum largius in cœna ingestum confiscere non posset, pituitæ & vitiosorum humorum in stomacho accumulatam ingentem copiam per venas in omnes corporis partes dimittebat. Huc adde quòd circa decimam matutinam vini meri cyphum cum panis secundarij frustulo ebibendo & ventriculi tunicas venásque & nervos lædebat, & cùm à cibo statim ad somnum se conferret, neque justo tempore somno & quiete uteretur, non poterat non laborare cruditate gravissima. Quam vitæ rationem cùm valde insalubre esse eum frequenter admonuissemus, & rationibus etiam convicissemus, quod & agnoscere coactus nonnunquam mutare velle præ se ferebat, ne tamen crapulam, ut loquebatur, semper exhalans studiorum suorum cursum interrumperet, aut ad obeunda usitata negotia impariōr esset, institutum semper retinuit.

L X X I X. Paucis ante mortem horis, cùm omni ferè membrorum motu & sensu defectus, mente autem incolumi, mortem instare videret, famulósque circa lectulum suum ubertim flentes animadverteret, in-

## 138 VITA PETRI CASTELLANI.

tentis digitis & certis oculorum motibus eos Lopino, quo ab epistolis diurno tempore diligentissimo, abstinentissimo, & fidelissimo usus erat, annulo insuper quem digito gestabat illi tradito, commendare nunquam destitit, donec ille eos sibi curæ fore & ejus nomine se Regi, Reginæ, & sorori regiæ Margaretæ diligenter commendaturum esse polliceretur. Quibus cùm ille adderet facilè futurum esse ut in ejus memoriam & gratiam procerum omnium in aula benevolentia & favore protegerentur, animi sui salutem tantum Deo commendaret, oculis ad cœlum conversis, & digitis quantum poterat arrectis, ingentibus editis suspiriis, donec mens constitit, Dei misericordiam implorare & se tanquam volentem ad mortem offerre, quod ab initio morbi fecerat, perseveravit. Nam eo statim correptus, cùm incurabilem esse cognosceret, non se mortem reformidare, nec sibi dolere quod è vita discedendum esset, pronuntiaverat, sed quia quod ad Dei gratiam suamque & sui populi salutem animo destinasset inchoatum relinquere cogeretur. Quando tamen Deo optimo maximo aliter visum esset, qui per magis idoneos, quando vellet, quæ instituerat meliora & perfectiora omnia redderet, se mortis vadimonium obire paratissimum esse.

LXXX. Mortuus est III. Non.  
Febr. per noctem, hora secunda. Quo tempore quid per somnium mihi acciderit, non alienum hoc loco commemorare videtur. Pompæ funebris maximæ species, in qua etiam equi atrati longo ordine deducerentur, qualis in Principum exequiis visitur, mihi observari visa est; in quam mihi quoque cum properandum esset, in Mariliacum Episcopum Vannensem Legatum apud Cæsarem regium incidere visus sum. Quem cum salutasse, rogassimque ecceuinam ista funebria justa pararentur, respondissimusque ille sibi nondum constare, statim ubi Rex advenisset intellitum iri, ecce quod nobis valde novum & insolens fuit, se se Castellanus offert habitu admodum & vestitu insolenti, pileo parte sui dimidia posteriore demissa, veste nigra, sed lymbis purpureis circumducta, parum ultra poplites suras attingente, digitis annulos gemmis distinctos, & sicam deaurato manubrio è zona in genua dependentem gestans; ad quem novo spectaculo excitati cum adiissemus, rogassemusque ecquid hic ornatus insolens sibi vellet, arridens ille sicam è vagina eduxit, & pectori meo cuspidem intentans, cum retrocedentem, ut ictum declinarem, viseret, subridens, non esse cur metuerem

## 140 VITA PETRI CASTELLANI.

aut valde commoverer, admonuit, cùm  
hæc sica non altum vulnus mihi inflictura  
effet. Quo viso ita sum exterritus ut lectu-  
lo exiliens, priusquam tria spatia in cubi-  
culo confecisset, quod vidisse somnium  
esse mihi persuadere non potuerim.

LXXXI. Mortem ejus Rex ipse &  
utriusque sexus Principes in aula procerè-  
que gravissimè tulerunt. Ipsa verò Mar-  
gareta Regis soror, quæ multis annis in  
literis eo præceptore usâ fuerat, tam do-  
lenter tulit ut multis diebus vim lachry-  
marum maximam assiduè profundens, &  
Iuctu lamentisque omnia complens, vix  
cibum & somnum animo tranquillo cape-  
ret. Cardinalis autem Lotharingus, qui  
optimam Ecclesiæ ordinationem ipso ad-  
jutore aliquando animo agitaret, tanta &  
ipse tristitiae significatione ejus mortem  
prosecutus est ut multis audientibus se  
quod damnum immaturo ejus interitu fe-  
cisset, si Deo ita visum esset, bona sui cen-  
sus anni parte lubenter redempturum  
professus sit. Rex autem, Margaretae soro-  
ris suæ pio admonitu & rogatu, fratris ejus  
filiis in mortui memoriam è sacerdotiis  
ejus quod omnium optimum esset attri-  
buit, ut ad singularem doctrinam virtutu-  
témque patrui sui alacriter aspirarent; ne-  
que anno ferè toto, quod se neminem un-

VITA PETRI CASTELLANI. 141

quam illi virtute & doctrina parem in suo regno inventurum speraret, in ejus locum, quem magni Eleemosynarij titulo exornaret, quemquam cooptavit. Quæ cùm ad gloriam ejus haudquaquam vulgarem faciant, tum verò vel ex eo immortalitatem mihi consequutus videtur quòd veri & Christiani Pontificis officio fungens, Christi Imperatoris sui vexilla gestans, & ejus gladio utrinque acutissimè incidente divino verbo cum hostibus ejus fortiter dimicans, veluti devota Deo hostia in ipsis aris cæsa pulcherrimo certamini immortuus sit.

F I N I S.



